



सानसेयारि 'बड'सा' खरीरालाइयाव समाज्यादि जिउजो लोब्बा थाबाय रायथाय, बन्थाय, बल, बलबाथा आरो दावबायादि थावनि, पार्क बाइदिबि स्यायाव लिन्नाय लिन्बिबां हैथाय ठर! सानसेयारि 'बड'सा' खरीरालाइया सेबरानाबै फोसावगोन!

बड'सायाव लिन्नायलि दुबा खालाम, 'बड'सा' खरी नोथो, जो बयबो आंगो खालाम!

सानसेयारि बड'सा मावखुलि
माइवं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 8 August, 2024 Kokrajhar, BTC, Assam ★ Vol.- 34, Issue No.134 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

गिबि मन्थिआ काजिरडा माहारियारि पार्क आरो टाइगर रिजार्भआव आउट बर्ड मटर गोनां गं 20 इनप्लेटेबल राबारनि नाव गथायदों

डिसपुर, 7 आगस्ट: बागिरि हाग्रा ओन्सोल बिबानगिरि मावख'नि लांगोनायाव दिने बान्जायनाय मोनसे हाबाफारियाव गिबि मन्थि उ हिमन्त बिश्व शर्माआ काजिरडा माहारियारि पार्क आरो टाइगर रिजार्भआव आउट बर्ड मटर गोनां गं 20 इनप्लेटेबल राबारनि नावखौ गथायो। मख'नो गोनांदि, माहारियारि पार्क आरो टाइगर रिजार्भनि गुबुन आयदाफोरखौ लाफानानै काजिरडायाव माखासे सान



सिगांनिफ्रायनो खुंफुंजानाय जथुम्मानि थांखि बायदियै हाग्रानि जिब-जुनादफोरखौ बोखानाय आरो हेफाजाब होनायनि खामानियाव माहारियारि पार्कआव बाहायनो हाथाव बायदियै गं 20 राबारनि नावखौ गथायनो थांखि लानाय जादोंमोन। बे थांखि लानाय बायदियै गिबि मन्थिआ दिने माहारियारि पार्क सामलायगिरिनो मोनसे हाबाफारिनि गेजेरजों नावफोरखौ गथायनानै होयो।

(□ 5 बिलाइआव)

गुवाहाटीआव दै जमा जानानै थानो जायगायानो गैया: बिश्वजित दैमारि



गुवाहाटी, 7 आगस्ट: हरखाबै गेजेरावोनो गुवाहाटी सहरनि मिख'थाव जुब-जुब अखा थासारिया सानोनो गोनां जानानै हानायनि जाहोनाव 2 घन्टानि फेदोंमोन। नाथाय मोजां बाभ्रादि,

गुवाहाटीनि नाला-गरखाइफोर गोबां जौगाखां थाखोनि जाबाय। बेनिखायनो उननि सानावनो अखानि लोमसावनाय दैफोरा नालाजों ओंखार लांजोबो। बे समाव गुवाहाटी नोगोरमनि जिउ खुंनाय राहाय सरसनसा जाबाय, बे बिबुंथिखौ लाखिदों आसाम बिधान सभानि गाहाइ बुंथिगिरि बिश्वजित दैमारिआ।

(□ 5 बिलाइआव)

सिपिआइ (एम)नि एमएलएफोर गिबि मन्थि हेफाजाब फान्डआव अन्सुंथाइ गथायदों

गोदान दिल्ली, 7 आगस्ट: केरेलानि सिपिआइ (एम) दोलानि एमएलएफोर हा गिसिखानायाव रखा जानांनय क नाटकनि बायनाडनि सुबुंफोरनिमि अन्सुंथाइ गथायनायखौ नुनो मोन्दों। केरेलानि सिपिआइ (एम)नि गासैबो एमएलएफोरानो दानमोनसेनि दान बान्थाखौ क नाटकनि गिबि मन्थिनि



हेफाजाबआरि फान्डआव दान गिसिखानायनि बोखानायनि खालामदों। मख'नो गोनांदि, खामानिया दासिमबो थानाय मंगलबारआव हा

(□ 5 बिलाइआव)

गुवाहाटीआव दसे अखा हानायजों फिन दै बाना सोमजिदों

गिबि मन्थि उ हिमन्त बिश्व शर्माआ नोगोरमनि थागिरिफोरखौ न'आवनो थानो खावलाय हरदों



गुवाहाटी, 7 आगस्ट: दसे अखा हानायनि उनावनो गुवाहाटी नोगोरमनि दाब-दाब जायगायाव दै बाना सोमजिनयखौ आथिखालाव नुनो मोन्नाय जादों। मख'नो

गोनांदि, थानाय समवारखालि सोमजिनाय दै बानाया नोगोरमनि गोबां जायगायाव रनाखौ। बेबादि, समावनो दिने बेलासियाव फिन दसे अखा हानायवनो नोगोरमनि माखासे ओन्सोलफोरव दै लोमसावदों। गुवाहाटीनि हातिगाव, जुरिपार (पान्जाबारि), रुक्मिनीगाव बायदि ओन्सोलाव हरखाव दै बाना लोमसाव जानानै थानो गोनां जादों। रुक्मिनीगाव, पिबक' पइन्ट, जुरिपार (पान्जाबारि), सार्भ-बेलटला

(□ 5 बिलाइआव)

आसामजों लोगोसे हादतनि मोन 9 राइज्योनि मोन 12 राइज्यो सभा मासिनि थाखाय बिसायख'थिनि सानखौ फोसावबाय

गुवाहाटी, 7 आगस्ट: आसामजों लोगोसे हादतनि मोन 9 राइज्योनि गासै मोन 12 मासिआव खुंफुं जानो गोनां राइज्यो सभानि बिसायख'थिनि सानखौ फोसावबाय। फेगौ 3 सेप्टेम्बरआव बे राइज्योफोरनि



(□ 5 बिलाइआव)

डिब्रुगड़ मुलुग सोल्लोसालिखौ थांखिगोबां सोल्लोथाइ नायबिजिसं फसंथाननि महर होगोन: रनज पेगु



डिब्रुगड़, 7 आगस्ट: गनायथि होजानाय 200 कौटि रंजों डिब्रुगड़ मुलुग सोल्लोसालिनि इंसिं दाथाइआरि जौगाखानायनि

थाखाय बिथांखि मावफुंनो राइज्योनि सोल्लोथाइ मन्थि उ रनज पेगुआ बिथांखि साखा-फार खालामनो बिथोन होयो।

डिब्रुगड़ मुलुग सोल्लोसालिखौ थांखिगोबां सोल्लोथाइ आरो नायबिजिसं फसंथाननि महर होनायनि थाखाय राइज्यो सरकारआ थांखि लादों। गाहाइ मन्थि गोजों सोल्लोथाइ मावथांखि आरो राइज्यो सरकारआ गनायथिनाय 200 कौटि रंजों डिब्रुगड़ मुलुग सोल्लोसालिनि इंसिं दाथाइआरि जौगाखानायनि थाखाय उ रनज पेगुआ बिथोन होदों। दिने

(□ 5 बिलाइआव)

तामुलपुर महकुमा गामि रैखाथि हान्जाया मेल खुंनानै माखासे थांखि आजावदों



तामुलपुर, 7 आगस्ट: तामुलपुर महकुमा गामि रैखाथि हान्जानि आफादगिरि हेरद किशर बसुमतारिनि आफादगिरि मासि सामलायनायाव दिने तामुलपुर महकुमा गामि रैखाथि हान्जानि मावखुलियाव मोनसे सरसनसा मेल खुंनाय जादों। मेलआव तामुलपुर जिल्लानि गामि रैखाथि

(□ 5 बिलाइआव)

तुक्राझारआव बिटिसि खुंथाइनि बान्जायनायाव माहारियारि आखाइ इसान सान फालिदों

चिरां, 7 आगस्ट: भारतनि मुलुगआवनो मिबथिजानाय आखाइ इसान दानाय-लुनायखौ बांसिन फोजौखानाय आरो फालांगि बिथिडव दिहुन्थाइखौ बांसिन खालामनायनि थांखिजों दुलाराय हादतनाडैने दिने 10थि माहारियारि आखाइ इसान सान फालिनाय जायो। बेजों लोब्बा लाखिनानै दिने बिटिसि खुंथाइनि आखाइ इसान आरो दानाय-लुनाय बिफाननि बान्जायनायाव चिरां जिल्लानि भारत-भुटान



सिमनानि ओन्सोलाव थानाय तुक्राझारआव सानसेनि मेहेरगोनां हाबाफारिजों 10थि माहारियारि आखाइ इसान सानखौ फालिनाय जायो। बिटिआर ओन्सोलनि मोन 4 जिल्लानिफ्राय फेनाय 800 सि दग्राफोर आरो आखाइ इसान सिलपजों लोब्बा गोनां सुबुंफोरनि नुजाथिनायाव आलारि बाथि सावनानै माहारियारि आखाइ इसान सान हाबाफारिजों

(□ 5 बिलाइआव)

बरपेटा परागावआव हानि दावराव-दावसिआव सासे सुबुंनि जिउ खहा, सा 6 सुबुंआ जोखोम



सालबारि, 7 आगस्ट: बरपेटा जिल्लानि सरभग पुलिस थानानि बेंखनाव थानाय परागावआव दिने फुंनि समाव कादेर आलि आरो पयेज उद्दिनि नख'रनि गेजेरव हाखौ मिरु खालामनानै सोमजिनाय जाथायाव पयेज उद्दिनि नख'रनि गोबां सुबुंफोरानो जोखोम जानायजों लोगोसे सासे आइजोआ फाहामसालियाव लांनय समावनो लामायाव जिउ गोमायो। जिउ गोमानाय आइजोखौ पयेज उद्दिनि बिसि आलिमुन नेसा होन्ना सिनायथिनो हादों। जोखोम जानायफोरखौ देहा फाहामसालियाव दैथायहरदोंब्लाबो विसोरनि गेजेरव सानैनि थासारिया जोबोद गिखंथाव होन्ना नख'रनि सुबुंफोरा फोसमायदों। जाथायनि सोमोन्दे फोरमायनानै जिउ गोमानाय आइजोनि फिसाइ पयेज उद्दिनआ

(□ 5 बिलाइआव)

मैराझारआव फोरोंगिरिजों लोगोसे सा 5 जुवारुफोरखौ हमदों

भबानिपुर, 7 आगस्ट: बाक्सा गबर्धना पुलिस थानानि पुलिसआ थांनय मोनायाव सालबारिनि मैराझार गामियाव जुवानि बेरेखायै मोनसे गोखों नायबिजिसंनय हाबाफारि सामलायनानै सा 5

(□ 5 बिलाइआव)



कक्राझार गुदि फोरोंथाइ मिरुआव बिफां फुलि गायदों

कक्राझार, 7 आगस्ट: आसाम सरकारनि बिथोन बायदियै दासान्दि दुलाराय राइज्योनाडै बिफां फुलि गायनयनि जांखिथाया सोलिगासिनो दड। आसामनि गिबि मन्थिनि अमृत बृक्ष्य आन्दलन-2024 जों लोब्बा लाखिनानै दुलाराय राइज्योनाडै दासान्दि थाद'नाय गैयै गुबुन गुबुन सोल्लोथाइ फसंथान, एनजिअ, रैखाथि सान्थिफोर, सेल्प हेल्य ग्रुप आरो बायदि बायदि आफाद गौथुमफोर बिफां फुलि गायनायाव मुखुबै नांथावगासिनो थानायखौ नुनो मोन्दों। बेबायदिनो गिबि मन्थिनि अमृत बृक्ष्य आन्दलन-2024 जों लोब्बा लाखिनानै कक्राझार गुदि फोरोंथाइ मिरुआवबो बिफां फुलि गायनाय



हाबाफारि लानायखौ नुनो मोन्दों। कक्राझार गुदि फोरोंथाइ मिरुनि गोरायुं सोमदोन ब्रह्मनि दैदेन्नायाव मिरुनि गासै फोरोंगिरि, मावफारिया आरो सोल्लोसाफोर मिरुनि सिडवोनो सोरगिदि गुबुन गुबुन फोरलेरनि गासै 100 बिफां फुलि गायदों। फोरोंथाइ मिरुनि गोरायुं सोमदोन ब्रह्मआ फोरमायनाय बायदिब्ला, गिबि मन्थिनि अमृत बृक्ष्य आन्दलन-2024 जों लोब्बा लाखिनानै मिरुनि सोरगिदि गुबुन गुबुन रोखोमनि बिफां फुलि जै- आमलाइ, अर्जुन, अग्रु आरो तितासाब फोरलेरनि गासै फां 100 बिफां फुलि गायदों होन्ना मिबथि होदों।

सुजुगिरिनि खोलोम

आखाइ इसान

दानाय-लुनाय आखाइ इसानआ बर'फोरनि गोदो-गोदायनिफ्राय सोलिनानै फैन्याय सि-जोम दिहुन्यायनि आरिमुनि हारिमु। मिबथि मोने समनिफ्राय बर'फोर खुन बिफानि फिथायनिफ्राय खुन्दु आरो इन्दि बिफानि बिलाइजो एम्फो फिसिनानै एम्फो फिथोबनिफ्राय इन्दि खुन्दु दिहुनानै सि दानानै आखाइ इसाननि आरिमुखौ दिनेसिम फोथानानै लाखिनायजो लोगोसे गाननो-जोमनो गावनो गाव सि दिहुन्थायव नांथाव बोदो। आधिखाल बेनि आदोबफोर सोलायनानै गुबुन महर लानो हमबाय। मानोना समजो गोरोबनानै सालिनांगो जानायलाय एसेल'खरट आरो बाडय समनि गेजेरवनो गोबां सि दिहुनानै गोबां रं आञिनानयनि लामा लानो गोनां जाबाय। सिगांनि आदोबजो इसान सालिफोरव सानश्रोब-हरश्रोब सि दानानै गो गावनि लुबेनायखो सुफुनो हायै जानाय सि दानायनि आदोबखौ नागरनो हमबाय। गोदान गोदान राहा आरो आदोबजो एसेल' समनि गेजेरवनो दिहुन्थायखौ बाहोनानै फालांगियारि लामा लानो गोलै जानानै फेबाय। गागिनि इसान सालिफोरव गोदो-गोदाय बाइदिसिना रोखोमनि आगर-आखाइ एखानानै दिहुन्याय सि-जोमफोर जैरे समाइना नायथावना बेबादिनो आधिखालनियबो सिगांनि बेबादिनो समाइना। नाथाय दानाय-लुनायनि आदोबफोरल' सोलाय-सोल' जानाय नुनो मोनो।

जोनि भारत हादतआव बोसोरफोमबो सि आगस्टखौ माहारियारि आखाइ इसान सान महरै फालिन्याय जायो। आबाद खोन्दोनि उनावनो आखाइ इसानआ भारतनि बरनिखुइबो देरसिन दिहुन्थाय खोन्दो महरै गनायथि मोनो हादो। आखाइ इसाननि गेजेरजो खुन, रेशम आरो उल खुन्दुजो बाइदिसिना रोखोमनि समाइना-रमाइना गानग्रा-जोमग्रा सि-जोम दानानै दिहुन्याय जायो। बेबादिनो जोनि बर' आइजोफोरबो इन्दि फिथोबनिफ्राय इन्दि खुन्दु दिहुनानै बाइदिसिना आगर-आखाइ एखानै समाइना-रमाइना सि-जोम दिहुन्यायव मुंदाखा। जोनि हादतआव आखाइ इसान उद्यगआ नख'र सुंथानायनि मोनसे उद्यग महर मोन्दो। बेखायनो बे सानखौ आखाइ इसानजो लोब्बा थानाय आरो रंखांथि जौगानायव बिसोरनि होनाय बिहोमाखौ मान होनानै बे सानखौ फालिन्याय जाबोदो। सि आगस्ट 'स्वदेशी' सोमावसारनायनि गोसोखांथियाव माहारियारि आखाइ इसान सान फालिनो थि खालामनाय जादोमोन। स्वदेशी सोमावसारनाया 1905 माइथायव जागायदोमोन। बेनि गुबै थांखिया गुबुन हादतनि दिहुन्याय बेसादफोरखौ नागरनायमोन। बे सोमावसारनाया जागायनायनिफ्रायनो भारतनि नख'रफोमावबो खादीनि सि-जोम दानो जागाय जेनो। वुनो थाडोब्बा आखाइ इसान उद्यगआ दिनेनिल' बाग्रा नड, गोदो-गोदायनिफ्रायनो आखाइ इसान उद्यगआव सि दाग्रफोरनो खामानियाव थिसन्थाय होनानै फेदो। अक्लाबो सि दाग्रफोरनि रंखांथियायि हालोदआ साबसानानै फैन्यायखौ नुनो मोन्याय जाया। थानाय 2015 नि 7 आगस्टयाव गिबि खेब आखाइ इसान सान फालिजेनानै फेयै फेयै देरलाय 10 थि माहारियारि आखाइ इसान सान फालिन्याय जादो।

बुनाय जायो, आबादिनि उनावनो आखाइ इसान खोन्दोआ भारतनि रंखांथि राहायाव मैखोम बिफाव होबोदो। हादतनि समाजआरि-रंखांथि जौगानायव आखाइ इसाननि बिहोमाखौ फोसावनो थाखायनो बे सानखौ फालिन्याय जायो। माहारियारि आखाइ इसान सानजो लोब्बा लाखिनानै आखाइ इसान उद्यगजो दिहुन जानाय गानग्रा-जोमग्रा सि-जोम गानानै फेशन रव' दिन्थिन्याय, हेन्डिक्राफ्ट दिन्थिफुंन्याय, सेमिनार खुंन्याय आरो वक'रपनि गेजेरजो आखाइ इसाननि गोनांथि बेनि बिफाव आरो बिहोमानि सायाव सुबुंफोरखौ मिबथिहोनो थांखियेनो बे सानखौ फालिन्यायनि गोनांथि होदो।

दिनेनि फान्जामुथि

राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** गोसोखौ मानोबा गोजोन गैयै मोनो हागौ। जेखि जाया गोसोखौ हमथाना थानाया गाहाम।
- वृष:** देहायाव मावाफोर खहा जानो हागौ। महर-मुखिआ गोमा लानो हागौ।
- मिथुन:** माखौबा लानानै जिगा सिनानो हागौ। गोसो हमथानानै सोलिनांगोन।
- कर्कट:** जेखियानो जाया शुभ खामानि मावनो हागोन। बे राशनि थाखाय गाहाम सान।
- सिंह:** माबाफोर गात्रि जाथाइयाव गोलेबायनो हागौ। जैरेबो सांग्रं जानानै थानांगोन।
- कन्या:** गोथार खामानि मावनो गोनां दडबा मावनानै लानो हागोन। बे राशनि थाखाय मोजां सम। जाफुनो हागौ।
- तुला:** सोरजोबाफोर लोगो हमनो गोनांफोर दडबा हमनो हागोन। सान्नाया जाफुंगोन मोजां सान।
- वृश्चिक:** जय-जुलिनि थाखाय आगानफोर सुरनानै लाग्रोनो हागोन। दिनेनि दिनआ शुभ सम।
- धनु:** जेखियानो जाया फोबोनि समावबो रंजानो-बाजानो गोसो गैयै जागोन। गोसोखौ शान्ति मोनै मोनगोन।
- मकर:** मानिबा जाहोननि थाखाय गात्रियै जिगा सिनानो हागौ। गोसो हमथानानै सोलिनांगोन।
- कुम्भ:** सोरजोबाफोर बायदिसिना होनानै थगायजानो हागौ। गोसोखौ लोरबां लानो नाड।
- मीन:** माबाफोर मुवा-बेसाद मोनो हागौ। गोसोखौ गोजोन मोनगोन। मोजां सान।

जनधन आरो बेसिक सेभिस एकाउन्टआव मिनिमाम बेलेन्स दोन्यायनि बागै मन्थि सितारमनआ फोरमायदो

गोदान दिल्ली, 7 आगस्ट: मिरुनि रंखांथि मन्थि निर्मला सितारमनआ फारसेनिफ्राय बुनाय जादोदि, जनधन आरो बेसिक सेभिस एकाउन्टआव मिनिमाम एकाउन्ट बेलेन्स लाखिनायनि सायाव जुरिमाना लागायो, जाय गावनि एकाउन्टआव थि बेलेन्स दोनो हाया। बैंक एकाउन्टआव कास्टमारफोरनि फारसेनिफ्राय मिनिमाम बेलेन्स दोनैनि जाहोनाव 8,500 कौटि रं जुरिमानाखौ सरकारि बैंकफोर 5 बोसोराव बोखानायनि सायाव मोनसे सौंथि सौंनायनि फिन्नायाव रंखांथि मन्थिआ बे बाश्राखौ बुदो। बिब्दियाव सोरखा एकाउन्ट बिगोमाया गावनि जनधन एबा बेसिक सेभिस अकाउन्टआव बेलेन्स दोनैनि चार्ज लाजादोब्बा, बेखौ अजद होनो हागौ। बे अजदखौ बैंकिं लकपालआव थानानै थिसन्तो हायो। मन्थि सितारमनआ बुदोदि, सदनि सोद्रोमाफोरनि



फारसेनिफ्राय बैंकफोर मिनिमाम बेलेन्स दोन्यायनि थाखाय रं दान्यायनि एबा जुरिमाना लानायनि सायाव सौंथि खालामदो। बे खांथिया पिएम जनधन एकाउन्टफोरव आरो बेसिक सेभिस एकाउन्टआव गोहोम गोनां जाया। बैं एकाउन्टफोरवले' बेयो गोहोम गोनां जायो, जेराव कास्टमारफोरनिफ्राय बिसेरो गावनि एकाउन्टआव मोनसे सिमासिमल मिनिमाम बेलेन्स दोनो हायो होना थि

खालामनाय दंखायो। बेनि फिन्नायखौ मन्थिआ लक सभायाव लिरनानै होदो। मख'जाथावदि, जाय सरकारि बैंकफोर मिनिमाम बेलेन्स गैयैनि जाहोनाव जुरिमाना लादो बेफोरव पान्जाव नेसनेल बैंक, बैंक अफ बडौदा, बैंक अफ इन्डिया, पान्जाव एन्ड सिन्ध बैंक, इन्डियन बैंक अफ इन्डिया बैंक, इक बैंक, इन्डियानि मुंआबो दंफायो।

गोजोन गैयैनि गेजेरजो बिएसएफआ बांलादेश सिमनायाव नोजोर होनायखौ बांहोदो



गुवाहाटी, 7 आगस्ट : न'सुंसे हादत बांलादेशआव गोजोन गैयै थासारिनि गेजेरजो गुवाहाटीयाव सिमना रेखाथि हान्जा (बिएसएफ) आ भारत आरो बांलादेश हारिमायारि सिमनायाव हाइ एलाट फोसावयो आरो थासारिखो नायबिजिनो थाखाय सांग्रंआइ थानो आरो जेना गोनां थासारिफोरनिफ्राय बाररा'नो थाखाय सांग्रं आरो रेखाथियै थानो बिथोन होदो। बेयाव सुबुंफोरनि गोहो बांन्याय आरो हाबाफारि मावग्रा टीम (क्युआरटि) फोरन दानायजो लोगोसे जवानफोर सिमनायाव गोखोडै नोजोर

लाखिनायखौ रोखा खालामगोन। पिआरइया फोरमायदोदि, सिमनायाव मोनसे दै वि आरो 11 बिएसएफ बेटेलियान थिसन्दो। बेयाव गासै गोहोनि सायाव नोजोर होग्रा जोन्थोरफोर बाहायनायजो लोगोसे सिमना आउट पस्ट (बिअपि) फोसाव सुबुंफोरनि गोहोखौ बांहोदोमोन। बेनि गेजेरजो मावसुमाफोरा मोगथाडरि समनि खौरनि थाखाय संगलि हाबाफारिफोरखौ साबसिन खालामनो थाखायबो सांग्रं खालामो। बांलादेशआव हिंसायारि धर्नानि जाहोनाव थानाय 5 आगस्टआव आगुनि गाहाइ मन्थि शेख हासिनाखौ मासिनिफ्राय बोखलायनाडो। मानोना बिथाडा बिबान एंलायनानै हादतनिफ्राय खारनो थाखाय गोनां जायो।

आरएसएस मदतगिरि मुस्लिम फसंथाना गुवाहाटीयाव आइन बेरेखा मोसौ बेदर फान्नायखौ बन्द' खालामनो खावलायदो

गुवाहाटी, 7 आगस्ट : माहारियारि समाज सिबिग्रा आफाद (आरएसएस) नि मदतगिरि आफाद मुस्लिम माहारियारि जौसांनि आसाम आफादआ गुवाहाटीयाव आइन बेरेखा मोसौ बेदरनि गलाफोरखौ बन्द' खालामनो खावलायदो। मुस्लिम माहारियारि जौसां (एमआरएम)नि आसाम आफादनि दैदेनगिरि अलकास हुसेनआ बुडोदि, आसामनि गुवाहाटी सहरनि हातीगाव, पन्जाबारि, सतगांव आरो इस्लामपुरजो लोगोसे जर्'खा ओन्सोलफोरखौ सिनायथिदो, जेराव बे आइन बेरेखा फालांगिखौ सामलायगसिनो दड। बिथाडा आसामाव कामरूप-मेट जिल्ला खुंथाया बे आयदाखौ बोसांनो थाखाय नायबिजिनानो होना आर'ज गाबदो। बिथाडा दाबि दैखांदि, बे आइन बेरेखा फालांगिया आइनखौ सिफायनायजो लोगोसे आसामाव हिन्दुफोर आरो मुसलमानफोरनि गेजेराव सोलिनाय सोमोन्दोफोरनि थाखायबो अलखद सोमजिहोगासिनो दड। बेनि गेजेरजो हुसेनआ ओन्सोलाव जुनात फालांगिया फोबोबोनाबो खावलायो। मानोना बे फालांगिखौ होबथानायजो मोनै फोलेरफोरनि गेजेराव फारगथि लाखिनाय आरो जानो हाथाव अलखदफोरखौ होबथानायवबो



मदत मोनगोन। आइन बेरेखा मोसौ बेदरनि गलाफोर आरो जुनात फालांगिया फालांगियाव जेना सोमजिहोगासिनो दड आरो हिन्दु-मुसलमानफोरनि गेजेराव गोजोन गैयै थासारि सोमजिहोगासिनो दड।

बेनिखायनो बयखोबो ओन्सोलाव गोजोनखौ लाखिलांबाय थानो थाखाय गावजो गावनि आइन आरो नेम-खांथिफोरखौ सन्मान होलायनो थाखाय हुसेनआ खावलायदो।

IN THE COURT OF DISTRICT JUDGE AT KOKRAJHAR

T. S. (D) NO. 41 / 2024

PETITIONER :- SRI RABIN BASUMATARY -VERSUS- RESPONDENT: SMT. HUNMONI BASUMATARY NOTICE

To, Smt. Hunmoni Basumatary D/O Sri Budew Basumatary, W/O Sri Rabin Basumatary Village & P.O. - Begenbari, P.S.- Sonari, District- Sivasagar, Assam, Pin 785690

Whereas the petitioner filed a petition Under Section 13 of the Hindu Marriage Act, 1956 for dissolving the marriage with you before this court. Hence, you are hereby asked to appear before this court on 27 /08/2024 either personally or through your engaged Lawyer to file Written Statement /Objection if any, failing which the suit/case will be heard or decided ex parte in your absence. Given under my hand and seal of this court on this...29th... day of August/2024.

By Order Chief Administrative Officer District Judge, Kokrajhar

मेघालयनि गिबि मन्थिआ बांलादेशआव यु तिरट सिंहनि मुसुखा सिफायनायखौ सौंखारिदो

शिल, 7 आगस्ट: मेघालयनि गिबि मन्थि कनराड सांमाआ बांलादेशनि ढाकाआव भारतयारि हारिमायारि मिरुआव यु तिरट सिंह सियेमनि मुसुखाखौ सिलिंखार खालामनायखौ गोखौ रवजो सौंखारिदो। खाशि हिल्स ओन्सोलनि मान गोनां उदांस्त्रि सान्थिआ हादरआव आधिखालनि गोजोन गैयैनि गेजेरजो गावनि गोसोखां खाम्फाखौ गोथारथि गैयै नुनो मोनो। मोनसे दुइदआव सांमाआ बुंदोदि, आं बांलादेशनि ढाकायाव भारतयारि हारिमुवारि मिरुआव खाशि हिल्सनि जोहोलाव आरो मेघालयनि उदांस्त्रि सान्थि यु तिरट सिंह सियेमनि मुसुखा सिफायनायखौ गोखोडै सौंखारिदो। बेनि थाखाय बिथाडा जायगानि बिबानगिरिफोरखौ गोनांथि



जानाय बादि थांखि लानो खावलायो। मख'नो गोनांदि, बे मुसुखाखौ 6 दान सिगां थानाय 16 फे बु वारिआवसो बेखेवदोमोन, जायखौ उदांस्त्रि सोमावसारनायाव सियेमनि बिहोमा होनायखौ मान होनो थाखाय भारत सरकारनि गेजेरजो रंकांथि फोसावदोमोन। हिमा नंखलानि सासे मान गोनां दैदेनगिरि महरै सियेमखौ बै समाव ढाकायाव जोबथेना

दोन्दोमोन। सुलुनि बादिबा, बांलादेशआव गोबाब नोगोरारिफोरनि गोजोन गैयै थासारिनि जाहोनाव हारिमुवारि मिरुआव मख'जाथावै खहा जायो, जेराव बावैसो समाव बानायनाय मुसुखाखौ सिलिंखार खालामनाया दंफायो। बे जाथाया ओन्सोलाव हारिमुवारि नेसोनफोर आरो जारिमिनारि खौसेथिखौ लानानै जिगा सिनायखौ बांहोदो।

शेख हासिनानि पार्टीनि सा 29 दैदेनगिरिफोरनि गोथै सह' बोखानो मोन्दो



ढाका, 7 आगस्ट : बांलादेशआव सोलिनाय हिंसायारि जाथाइनि गेजेरजो अवामी लीग आरो बिनि हेफाजाबगिरि पार्टीफोकोजो लोब्बा गोनां खमैब्ला बो सा 29 दैदेनगिरिफोरनि आरो बिनि नख'रनि सोद्रोमाफोरनि गोथै सह' बोखानो हायो। बेयाव अवामी लोगनि सा 20 दैदेनगिरिफोरबो दंफायो थानाय समबाखालि शेख हासिनानि गाहाइ मन्थि मासिनिफ्राय बिबान एंलायन्याय आरो हादत नागरनायनि खौरनि उनाव

सतखिरायाव जानाय गालोबनाय आरो हिंसायारि जाथायाव खमैब्लाबो सा 10 सुबुंफोर थैयो। अदेबानि अवामी लोगनि माखासे दैदेनगिरिफोर आरो मावसुमाफोरनि न' आरो फालांगियायारि फसंथानफोरव बुफाय-बुसि आरो लुट खालामो। पुलिसआ सतखिरा सदर आरो श्यामनगर पुलिस स्टेशनावबो अर लागायना होनाय आरो लुट खालामनायनि खौरं होयो। कमिलायाव हांगो-दोंगो सुबुंफोरनि गालोबनाय खमैब्लाबो सा 11 सुबुंफोर

थैयो। अशकरलायाव आगुनि कार्जिनसलार महम्मद शाह आलमनि 3 टाला न'आव बिग्रायारिफोरनि गेजेरजो अर लागायना होनायजो सा 6 सुबुंफोर थैयो। बेनि उनाव थानाय समबा हर आरो मंगलवार फुडव बिसेरनि गोथै सह'फोरखौ न'नि बायजोआव बोखानो हायो। सुलुनि बायदि, बेयाव साबा जवानफोरबो दंफायोमोन। थैनायफोरनि गेजेराव 12 बोसोर बैसोनि शन, 14 बोसोर बैसोनि आशिक, 14 बोसोर बैसोनि शकिल, 16 बोसोर बैसोनि रनि, 17 बोसोर बैसोनि महिन आरो 22 बोसोर बैसोनि महफुजुर रहमानआ दंफायो अर लागायना होनायनि जाहोनाव 3 थि टालायाव आस्य लानाय सुबुंफोर उखुन्दैनि जाहोनाव थैयो आरो माखासे या खामथाबनानै थैयो। बे जाथायाव सुबुंफोरनि सा 10 सुबुंफोर जोखोम जायो।

बांलादेशआव खासि उदांस्त्रि सान्थिनि यु तिरट सिंह सियेमनि मुसुखाखौ बुफायदो

शिल, 7 आगस्ट : बांलादेशनि ढाकायाव थानाय इन्दि गान्धी हारिमुवारि मिरु (आइडिसिसि) आव मोनसे सामलायजायै सुबुंफोरनि हान्जाया मानगोनं खासि उदांस्त्रि सान्थि यु तिरट सिंह सियेमनि मुसुखाखौ सिलिंखार खालामो। बे जाथाया सुबुंफोरनि गोसोआव गोबां दुखु मोनहोयो। अनलाइनआव फोसावनाय मोनसे भिडिअयाव आइजिसिसि बिल्डिंखौ बुफायनायनि नुथाइखौ नुनो मोन्दो। बांलादेशआव गोबां अन्जिमानि हिंसायारि धर्नानि गेजेरजो बिग्रायारिफोरा बिल्डिंफोयव अर लागायना होदोमोन। थानाय जुलाइ दानाव धर्ना होग्राफोर, रेखाथि हान्जा आरो सरकारारि मदतगिरि हान्जाफोरनि गेजेराव दाका मुलुग सोलोसालियाव दाडाबाजि जानायनि फिथाइ महरै गोबां सुबुंफोर थैयो। बेयाव गोजोन गैयै थासारिया बांन्यायजो लोगोसे हादतनाडै 300 निखूइ बांसिन सुबुंफोरनि जिउ गोमाबाय। थानाय 5 आगस्टआव दावराबनि



जाहोनाव गाहाइ मन्थि शेख हासिनाआ बिबान एंलायनाडो आरो भारतआव खारोनाडो। बेनि

उनाव बांलादेशनि सान्थिफोर इन्दिमि सरकार दानो थाखाय कन्ट्रलखौ गावसोरनि आखायाव लायो।

AFFIDAVIT

I, DEEP CHETIA, aged about- 34 years, S/O. Padma Dhar Chetia, a permanent resident of Village- Mawiong, P.O.- Mawiong, P.S.- Mawlai, in the Dist- East Khasi Hills, Meghalaya, Pin-793016, and do hereby solemnly affirm and declare as under:-

1. That, I am a permanent resident of above noted address and a bona- fide citizen of India by birth.
2. That, my actual and correct name & surname of my son is NIZWM CHETIA BASUMATARY and his actual and correct date of birth is 09/02/2019, which is recorded in his birth certificate, vide Regd. No. B-2024: 18-00798-000234, Date of Issue- 18/04/2024, issued by Registrar, Birth & Death, Sidli BPHC.
3. That, in my Service Book, Vide Service No. 5023661F RFN/GD DEEPCHETIA under 18th Assam Rifles, wherein my son's name has been recorded as NIZYM B. CHETIA instead of NIZWM CHETIA BASUMATARY as well as in the same service book, my son's date of birth has also been recorded as 09/07/2018 instead of his actual and correct date of birth 09/02/2019.
4. That, I do hereby declare that NIZWM CHETIA BASUMATARY and NIZYM B. CHETIA is the same and one identical person i.e my son none other else.
5. That, this declaration is made by me to ascertain the above stated facts and for avoiding the confusion regarding my son's name & surname and his date of birth as well rectification/correction as stated above and to produce the same before the concerning authority for doing needful purpose.

All the above statements are true to the best of my knowledge, belief and information and nothing has been concealed therein.

मोक्लिवाआरि सम्फदरखौ रेखाथि होनाय आरो फिसा लुफामफिन्बारा

एनआइएटि टैबल नं. इरुल- निरुडर- 960 अफ 2024- 25 अक्ट. 02-08-2024। गाहाइव रव'नय खामानि थाखाय मुंखागिनिहा इ-टैबल हांथावदो। खामानि मु: निउ गुवाहाटी: एरएसए-आरि/निउ/निउ गुवाहाटी: रिखब ने बोसोनि मोनसे सम फिसनानि थाखाय मोक्लिवाआरि सम्फदरखौ खामान्याय आगे फिसा लुफामफिन्बारा। टैबल नं. 87,26,796 वं। अरिप नं. 1,74,500 वं। टैबल नं. 74,500 वं। गोबोआव रव'नय इ-टैबल टैबल बिलाइफोरखौ लोगोसे आबु' फोसायथिखौ www.ireps.gov.in वेबसाइटआव मोनो हागो।

सेमिपरिड्ड, गुवाहाटी

सा-सान्जा सिमना रेलवे

मिनिस्तरुपयो अलकफेफे सिबिवाइ

बुहुमनि दरसेल' हादत, जेराव क्राइम मोनसेबो नुनो मोना आरो केदिबो गैया

मुलुगनाडै माखासे गोबां हादतफोर दड, जेराव थानाया रैखाथि गैया। बेफोर हादतनि बबेयावबा उतखारिफोरनि गोखों गाग्लोबनाय आरो बबेयावबा निखावरि सुबुंफोरा उखेहाबनाय एबा थोजासे आदार मोनजायैनि जाहोनाव लुथिनाय आरो बुथासनाया सरसन्ना। बिब्दियाव पुलिसआ गोबां नाजानांगौ जानानै फैयो। नाथाय दरसे हादत ओरैबायदि दड, जेराव जेबो रोखोमनि क्राइम जाया आरो क्रिमिनलबो गैया आरो जेलबो गैया। इउपआव दं बे हादतआ, जाय अलिम्पिक आवबो साग्लोबसारा दड। बे हादतआ जादों निडारलेन्ड, जेराव जेबो क्राइम जाया। खोंरनि बायदिब्ला 2013 आव बेयाव सा 19 ल' केदि दंमोन। नाथाय 2018 आव जेलआव सासेबो केदि गैये जायो। बेनि गेजेरजों इउरपियान हादत निडारलेन्डआ क्राइमनि हारआ जोबोद दावखलायनायनि फिथाइ महै थाबेनो हादतनि जेलफोरखौ बन्द' खालामनो



थांखि लादोंमोन। नाथाय जेलखौ बन्द' खालामोब्ला बेनि मावसुमाफोरा मा जागोन? बेबो मोनसे जेंना नुजादोंमोन। बेनि उनाव डच न्याय मावख'या सुबुरुन होदोंमोनदि, फेदौ 5 बोसोरनि गेजेराव गासै क्राइमनि हारआ बोसोराव 0.9 जौखोन्दी दावखलायनाय फे योब्ला जेलफोरखौ बन्द' खालामनाया थि जागोन। नाथाय अब्लाबो सोंथि सिखादोंमोनदि, जेलफोरखौ बन्द' खालामोब्ला 2000 सुबुंफोरा सांखि खोमानांगोन। बिसोर गेजेराव

700 सुबुंफोरखौल' गुबुन सरकारि सांखिफोराव ट्रान्सफार खालामनो हागोन। अदेबानि निडारलेन्डआव जेलआ दासिमबो दड, नाथाय बेयाव केदिफोरनि अन्जिमाया जोबोद खम। के दिफोरनि गेजेराव बायजोआरि हादतफोरनि केदिया बांसिन दड। बिसोरखौ जोथोन लाखिनायनि थाखाय एंकल मनिटरि सिस्टेमखौ बाहायनाय जायो। लोगोसेनो साजा भुगिगासिनो थानाय सुबुंफोरनो लिटरनाय-फरायनायनिफ्राय लानानै बायजोआव खामानि

मावनोबो खाबु होनाय जायो। एंकल मनिटरि सिस्टेमआ मोनसे ओरैबायदि डिभाइस, जायजों न' सिंआव नोजोर बन्द' खालामना दोनजानाय एबा जेलआव जोबजानाय केदिफोरा जेब्लाबो गानानै थानांगो जायो। बेनि गेजेरजों केदिफोरा थि खालामनाय सिमानि सिंआव थानांगो जायो। बिसोरो बायजोआव थानो नाजायोब्ला एंकल मनिटरि सिस्टेमआव थानाय रेडिअ फ्रि कु इसिं सिग्नेलजों पुलिसफोरा थाबेनो मिबधिहैयो।

नों बावबाय नामा ?

नों बावबाय नामा आंदि नोंखौ बेसेबांवा मोजां मोनो, नाथाय नोंखौ मोननो थाखाय आंदि नोंखौ सान थोवा हर थोवा गोसोखांबाइ थायो। थायो आं सना आंनि बेसेबांदि आंनि अननाय आरो मोजां मोन्नाइ फोरमायनो सानो, आं सना गोबों बिखा बुंफनाने आं नोंनो आंनि अन्नायखौ आं फोरमायनो सानो, नाथाय हाया नोंखौ लोगो हमनो, फोरमायनो सानोदि आं नोंनो आंनि गोसो गोबोंनि बाभ्रा नोंनो बेखेवना होनो नाथाय नाथाइ आंनि गोसाआल' खुद्रिदों, नाथाय नोंजों बाभ्रा फंसे राइज्ज्नाइनो सानो, नाथाय नोंखौ लोगो मोनब्लानो आंनि खुगाया गेवा; आं जेबो बुजिनो हालिया नोडे आंनि मोजां मोनाइखौ मोन्दां हाबाय बोला फोलोमदो नों आंनि हाबिला गोसोखौ, बिनानाव दं आंहा नोंनि थाखाय हांमा आंनि गोसो गोबोंआव; होदो नों नोंनि खुगानिफ्राय फंसे नोंनि गोदे राव ।

मुश्री फानु एल नार्जरी
जिला- ककराझार, बि.टि.सि.

दावहा

देहा फाहामसालियाव नुयो- गोबां नोरजिया; रंजाथिलियाव नुयो- गोबा रंजासुलु; मन्दिर मसजिदआव नुयो- गोबां धोरामसुला; गेलेथिलियाव नुयो- गोबां गेलेसुला; दावहाथिलियाव नुयो- गोबां दावहार; बिनि जाउनाव नुयो- गोबां..... बेनि जाहोना... नारानाथानि गेदेर-उन्दै सानाने, नडब्ला..... इनाइ अनागिरिखौ दबथायनायनि; गावनि राइज्ज्नाइनो फेहेरनायनि, नडब्लाबो मुलुगाव गावखौ सिनायथि होनायनि आरो मुलुगाव गावनि मुं जुगामि गालानायनि ॥ नाथाय.... आंनि दावहाया जागोन- थार- बुजिनाय, हेफाजाब आरो खौसेथि लाबोनाय गोग्मोम- गेरेमसा 'बर' लेण्ड' राइजो दानायनि ॥

श्री सुबास बर'
गामि- कल बारी, ला:सो:- बरमा
जिला- बागसा बि टि सि आसाम।

सिमांनि राणि

फै नों अनजालु खाथिआव फे, सिमांनो मोकथां जों आंजों गेले फे; फागुननि आवि र लाना फे; थाखुमा-थाखुमा, आंखोंबो फुनना होफे। नुबाय आं नोंखौ दरे फांदा- हाइली खानाय रुमबां, मिनिखैरी गुफर गावदां, फारनै खावलाय जारां-रां, गारांआ नोंनि मिलोदो स्रां-स्रां, नड गोसोआ हारां-हाथां। लुबैयो आं रजेनि, फागुन खौरां, सना नों मेहेर हाइनारी आजां-गाजां मा मंजों रायदावनो आं, सिगां-सिगां? दाजा नों आंखौ लाजिहां-गिहां; अन्थाय बिखा नड रजे आं। नों जिउनि थार अनजालु- गोबों इसिंनि हाइना मुलि; होफे बिखायाव गोजोन खुलि, दाजा नों सना थगायसुलि, नों नडबा संसारा गोथैसालि, मिजिंआ आंनि फेलें संगालि, थै हाइनानि रजे- सिमांनो जौल, आन्दो-आन्दो जोदोंसै; संसार गाथोना नोंखौसो नेना दंसै फागुन दंखोआ हनै, लेंहर बायसै; मिथिगायाबो जुलिनि इसारासै।

मिस सनजिला मोसाहारी
गामि - कुलकुमारी
जिला-ककराझार बि टि सि आसाम

सिमांनि जोहोलाव

सोर नों जोहोलाव? सिमांनो गेलेफेयो आंजों आमाइ-जुमाइ। नाथाय मोकथाडाव गेलेफेया नों आंजों आमाइ-जुमाइ। सोर सिमांनि जोहोलाव? राइदावयो आंजों नों दाव खौऔनि गारांजों बिलिरो नों फागुननि बार जानानै। बोदोर बावल्लि दाखालामसै नों जोहोलाव। मोकथाडाव नागिरनो नोंनि अन्नायखौ गोबोंयाव बजबनो, मोना नाइख्लेंना एराइ लांयोसो। आंनि बे हाबिलास मिजिंखौ दाजंखाय नों दावखौऔनि गारांजों। बिदाइ होदो आंखौ सिमांनोव नों ऐ जोहोलाव।

मिस बिबारी बर'
गामि:- बालाथडा।

रंजालि गथ'फोरनि सौरा

जिउनि दावहा

माखासे सुबुड दोहोनि फोरनो निनखौ फाने फाने जिउ खुडे , अब्ला दोहोनि सुबुं फोरा आलो गोजोनै उन्दु लाडे ।

मेगन थाइनेखौ बेलाव नायना अखाडव हरनि हाथिखौ सानना , दैलानि एम्बुफोरा आर 'ज गाननायखौ खोना सडे सडे हरखौ खाथाय लाडे ।

गोजां बोथोरनि फुनि निहिराव सुहावनाय सोलेरा मावग्लुडे मावग्लुडे आलायारना दरजा बुफेयो , आथुरै हिनजावआ दरजा खेवफेना नायो बिखौ अनफावरि नोजोरै ।

हिनजावआबो नेनो सम गैया ओंखार लांनानो बिबो-सानसेनि थाखाय , जिउ खुनायनि दावहायाव आब 'नि सिनायथि लानानै ।

बे न' बै न' सानसे मानि मंगिलाय सोलेरे जेला गिदि फिनगोन , लाउमाव खोमसि फेसालिया अब्ला लासै लासै साग्लोब फेगोन ।

मोखांजों मोखां नायलायनो समा बाडइ बिसोरनि , फिसायनि थाखाय दसे उनाव ओंखाम संना दोननांगोन थांनोदि समा जासिगोन ।

निनखौ बियो फाने फाने नख 'रखौ मोजाडे सामलाय लाडे ।

बिसोरो गोजोनै हरखौ खाथाय लांनो आरो मोजाडे उन्दु लांनो बिनि निनखौ बिसोरो बायना लायो ।

सिनायथिआ बिनि-सासे हर नेग्रा जिउ दावहानि गिनो रोडे रैनिया , खाथिनांनै गोलोमदे फसर फसर जिउ खुलाडे बिसोर ।

पवित्र ब्रत दैमारी
गलाघाट

बेलासे बोथोर

जौमोन समाव मिजिनाय जौमोन समाव सानसिनाय जेराव जालांबाय माथो बेलासे बोथोर

दैदोम बर', बागसा

जेरनि गाभि

सानजानि जारौ साना नुजा बोबाय लोगो लोगो सोरां मिथिगानि अराय। नाथाय आय'.... आंनि जोनोम गामि ॥ गैया समायना-रमायना महर बिबारनि बारि सोमखोर गोथां हाजो-हाला सारि सारि। गासैबो दंनयमानि गोरान आबाद फाथो, बेसर, सेभिनि अनगा गोदान आबाद। गैया रावबो साखि बारिनि गिरि बयहाबो फोथारनि आबादारि। गायनो-फुनो गैजाया दंग'-जाम्फे, गैया जेब्लाबो ओंखामनि आखाय-बेदरनि आलि। बेनो जौनि जोनोम गामि आमिनफारा। खोलो खोलो बार बारनाया मिथिगानों दावसिन दावज्ला गाबनाय दंखोजों। समायआ फागुननि थि थिं साननि बिदुं, रानस्राव बारहावा जेब्लाबो गुदुं बिफां-लायफां, औवा, रायदों रानजोबो ॥ गैयाया दासिमबो मोब्लिबनि सोरां लाबोग्राबो गैया गामिखौ अराय सोरां। बेनिफ्राय दुखु थियासिन मा गामि दं बे मिथिगानि बिखायावलाय.....?? बेनो जौनि गामि... आमिनफारा ॥

मुश्री रिन्दव बसुमतारी
गामि:- आमिनफारा, पाटगाव
जिल्ला:- ककराझार (बड' लेण्ड)।

मोनहास थै जिउनि खन्थाइ

मेगनाव नुनाय सिमांया मेगनयावनो थाफिनथोंसै , गोसोयाव लुनाय मिजिया गोसोयावनो बायफले लाफिनथोंसै । जारां सोमखोर मोनाबिलिनि सान गाब बायदि , गोमोरलाफिनथोंसै मोनाबिलिनि उनावनो मिजिफोरा आंनि । रिफि रिफि अखांनि गुमुरजों नुजानाय जायख्लें गाब बायदि , गोमोरलाफिनथोंसै दान्दिसेनि उनावनो मिजिफोरा आंनि । गोरबोया जाथोंसै आबुं लाथिख 'नि अनजिमाजों , हांमाया जाथोंसै उदां गोसोनि जिरायनायजों ।

रकी नार्जरी
बर' बाजार फरायसालिमा,
चिरां

गारबोनाय बुब्लिनि सायखं

आं नोंखौ नुजेननाय बै सहरनि बेलकनिया दा लान्दां-लान्दां मानिबा जाहोनाव, नोंनि मिनिग्लानायजोंसो बुंसारोमोन बै बेलकनिया, लोगोयाव थायोमोन माखासे साजायना दोनजानाय समायना बिबारफोर, आं सोमीनाहाबदोमोन आरोबाव नुनाइखोबो नुनानै नोंनि आखायाव आथिं गोनां गिलासाव माबा मोनसे गोजों दै। जानांगौ नोंहा मानिबा दाहायाव ग'बजानानानै आगोर गोमादों आरो बेफोरबायदि हालोद जानांदों। आंखौ मिनि-मिनि जानांगौ नोंहा दा गारबोनाय सम सफेबाय आरो गाबनोबो बोराबनोबो हायेबायदि थासारिया नोंखौ बजबदों। नों दा जानो हायै गोखा फिथिखानि बिदे लांनानों सायखं गैये इसाराआव।

लक्ष्मी बर
2 नं सिंग्रिबारी (खाग्राबारी)
उदालगुरि

आंगायल'

थासारिया माब्लाबा गिलिद खालामो गोसो फाफिल्लआव रुजुननाय जिउनि आन्थोर लानो!!

खाव जायै लामानि खाथिफोरा सोगाबो बोहै खुमायो मोदौ गोबों इसिंआव!!

गोदाना गोजामजों गोजामा गोदानजों गोबोना हाया सौदावो जोमै बादि खोरमो बिखा सिखव!!

आंगायल' बुब्लिफोरखौ मेगननि निन गोमासिम दिदोमै नायगोमोनना समखौ बाबेन होनांगौ जायो!!

गारबोनाय उननि सिगांनि सौसिख' हायै सानसिफोरा गोसोआव उदासिनि गाब गाफेयो!

रावनिबो सुखु दुखुजों गोबोंआ मोजोमनो खहाबा जेब्लाबो मेगना अखांआव गोसोआ हायाव!!

राजिव दैमारी
बावसा

बर' हादोर

जोनोम आंनि आसाम हादोरार राव आंनि बड' फोलेराव थायो गोजोन सुदेम देरायाव दैदेनगिरि बड' जोहोलावनि राव आंनि बड' बिमानि रिखाडे दंखो रावनि। जाबोबाय गोदो गोदाव सोराव बड' हारि देरहाबो फिनबाय फारि-फारि बेनो आंनि बड' हारि। देरबाय लावबाय मिजिथिबाय रोंबाय रावबाय बराय जाबाय नुबाय खोनाबाय रंजाबाय।

थरायना अनिमिया नार्जरी
गामि:- गौरां तिनालि
ला:सो:- हालतुगाव
जिल्ला:- ककराझार।

(□ 1 बिलाइनफ्राय)

गिबि मन्थिआ काजिरङ माहारियारि पार्क आरो टाइगर रिजार्भआव आउट बर्ड मटर गोनां गं 20 इनप्लेटेबल राबारनि नाव गथायदों

खौरंगिरिफोरनि सिगाडव फोरमायनाय बायदिल्ला, माहारियारि पार्क आरो टाइगर रिजार्भआव गं 20 नाव फोनांजाब खालामनाया मोनसे गोनांथार हाबाफारि। बे नावफोरखौ माहारियारि पार्क आरो टाइगर रिजार्भआव हाग्राणि जिब-जुनादफोरखौ हेफाजाब होनाय एबा नायगिदिनायाव हेफाजाब खालामगोन। गिबि मन्थिआ फोरमायबावनाय बायदिल्ला, दै बानानि जाहोनाव जिब-जुनादफोर थैल्लाबो माहारियारि राजा लामायाव गारि-मटर थंलाय-फैलाय बिथिडव होबथानायनि जाहोनाव गारिनि सौदावनायाव जिब-जुनादफोरनि जिउ गोमानायनि अन्जिमाया एसेल'मोन। बे बिथिडव राइजोफोर हेफाजाब होनायनि थाखाय गिबि मन्थिआ साबायखर बाउहरो। माहारियारि पार्कखौ खुस्खानायनिफ्राय रैखाथि होनो थाखाय दै सम्पद बिफानआ मोनसे गेदेर बिथांखि नाजावदों होन्ना गिबि मन्थिआ फोरमायदों। दिनेनि बे हाबाफारियाव आबहावा आरो हाग्रा बिफाननि मन्थि चन्द्रमहन पाठवारि, रोगाथाइ बायदि बिफाननि मन्थि केशब महन्त, जर्'खा प्रिन्सिपाल सेक्रेटारि (हाग्रा) एम.केय यादव, गाहाइ हाग्रा रैखाथिगिरि आर.पि सिं, काजिरङ माहारियारि पार्कनि सामलायगिरि सनालि घष, जिल्ला बेंगिरि नरेन्द्र कुमार शाहजों लोगोसे गोबां बिबानगिरिफोरानो बाहागो लयो। बेनि उनावनो गिबि मन्थिआ दै बानाजों खहा जाननाय नगाव जिल्लानि हाथिमुर माथावरिखौ नायगिदिहैनै फोसाबफिनाय खामानिखौ खौरं लयो। गिबि मन्थिआ माथावरि खोनायखौ थाबैनो फोजोबनो थाखाय दै सम्पद बिफाननि बिबानगिरिफोरखौ बिथोन होयो।□

सिपिआइ (एम)नि एमएलएफोर गिबि मन्थि हेफाजाब फान्डआव अन्सुंथाइ गथायदों

सोलिगासिनो दड। दिनेसिमाव 400 निफ्रायबो बांसिन सुबुंफोरनि गोथै देहाखौ बोखानो हनाय जायो। बेजों लोगोसेनो दासिमबो हा सिडव गोबां सुबुंफोरानो गोमानानै दड होन्ना मिबथिनो मोन्दों। मिबथिनो मोन्नाय बायदिल्ला, केरेला बिधान सभानि सा 62 सिपिआइ (एम) नि एमएलएफोर गावसोरनि आबु दान बान्थाखौ एबा 50,000 रंखौ गिबि मन्थिनि हेफाजाबआरि फान्डआव गथायनो थांखि लादों। गिबि मन्थिनि हेफाजाबआरि फान्डआव गासै 31 लाख रंआ जमा जाबाय। केरेलानि गिबि मन्थि पिनाय पिजयेनेआ 1 लाख रं आरो बिपि तिके कमलाइआ फान्डआव 33,000 रं गथायबाय। बेनि सिगां सिपिआइ (एम)नि राइज्योआरि नेहाथारि एमभि गबिन्दआ दोलोनि जानानै गिबि मन्थिनि हेफाजाबआरि फान्डआव 25 लाख रं गथायदों। फोरमायबावनाय बायदिल्ला, दोलोनि त्रिपुर आरो तामिलनाडुनि सिपिआइएम दोलोआ 20 लाख आरो 10 लाख रड्ड हेफाजाब गथायदों। बेजों लोगोसेनो खोला भारतनि गोबां सुपरस्टारफोरबो हेफाजाब खालामनो आंखारबोदों। फावखुंगुर आल्लु अर्जुन गिबि मन्थि हेफाजाबआरि फान्डआव 25 लाख रं गथायदों। मल्लालमनि फावखुंगुर मामुति आरो बिनि फिसाज्ला दुलकुर सालमानआ जथायै 35 लाख रं गथायदों। जतिका, कार्ति आरो सुर्यआ जयै 50 लाख रं गथायदों। तामिल फावखुंगुर बिक्रमआ 20 लाख रं गथायदों। केरेलानि बायनाडआव गिबिथाव हा गिसिखानायजों फार्सेथिजायनिफ्रायनो जोबसांलादों। मंगलवार फुडवोनो हा गिसिखानायनि जाहोनाव गामिफोरव दै हाबनो जागायजेन्दों। मुन्डक्काइ, सुरमाला, आतामाला आरो नुलपुजा गामियाव हा गिसिखानायनि जाहोनाव बांसिनै खहा जादों। सुलुडव फोरमायनाय बायदिल्ला, दासिमाव 400 निफ्राय बांसिन गोथै देहाफोरखौ बोखानो हादों। गोबां न'-बां सम्पतिफोरानो खहा जालांबाय। रैनिया नाव रैखाथि हान्जा आरो हारिमायारि हरखाब सिबिथाइ हान्जानि सा 16 रैनियाफोर बोखानाय हाबाफारियाव नांथाबनानै दड। नाथाय थार'नाय गैयै अखा हाबाय थानायनि थाखाय बोखानाय खामानियाव हँथा सोमजिदों। राइज्योनि 100 निफ्रायबो बांसिन हेफाजाब बादायाव 10,000 निफ्रायबो बांसिन सुबुंफोरखौ लाखियाव जादों।□

डिब्रुगड मुलुग सोलौंसालिखौ थांखिगोबां सोलौंथाइ नायबिजिसं फसंथाननि महर होगोनः रनज पेगु

डिब्रुगड मुलुग सोलौंसालियाव नुजाथिनानै सोलौंथाइ मन्थिआ बे मावथांखिनि सोमोन्दै गुवारै सावरयलायनायाव बाहागो लयो। बे मावथांखिखौ आबुडै महर होनो साखा-फार खालामनो थाखाय गोखौ बिथोन होनाय जायो। मुलुग सोलौंसालिनि मावथांखि हिन्जावसाफोर थारा खुलिखौ बांहोनाय, फरायसाफोरनि गोदान थारासालि, एकाडेमि भवन लुफुनाय, आन्जादसालिफोरखौ फोजौखानायनि सायाव गोनांथि होनाय जायो। बेजों लोगोसेनो गोजौ सोलौंथाइ फसंथानफोरव बेसेन लानायनि सोमोन्दै सोलौंथाइ मन्थिआ मख'जाथाव बिबुंथि लाखियो। गावआरि खोन्देनि सोलौंथाइ फसंथानफोरनि रुजुनायाव सरकारि सोलौंथाइ फसंथानफोर गोबां खम बिबांनि फिस लाखियो। 90 जौखोन्दो फरायसाफोरानो बेसेन नाड लासेनो मुं थिसनो हायो। 68 कौटि सरकारि फरायसालिमाफोरनिमि हसंथानय जाबाय। मख'नो गोनांदि, खौरंगिरि मेलआव डिब्रुगड मुलुग सोलौंसालिनि भाइस सेन्सेलर डू जितेन हाजिरिका, रजिस्ट्रार डू हरमानन्द सनवालजों लोगोसे गोबां बिबांनि मुलुग सोलौंसालिनि खुंथाइआरि बिबानगिरिफोरबो बाहागो लयो।□

तुक्राझारआव बिटिसि खुंथाइनि बाज्जायनायाव माहारियारि आखाइ इसान सान फालिदों

बिटिसिनि आखाइ इसान आरो दानाय-लुनाय बिफाननि मावफुं सोद्रोमा धन्जय बसुमतारिआ बेखेवनानै होयो। बे हाबाफारियाव हाग्रा बिफाननि मावफुं सोद्रोमा रन्जित बसुमतारि, गेलेमु आरो लाइमोन अन्साइ एबा रेसम बिफाननि मावफुं सोद्रोमा दावबाइसा बर'आ हेफाजाब होफायो। बिटिसिनि आखाइ इसान आरो दानाय-लुनाय बिफाननि बिबानगिरि रक्तिम बुरगहाइआ बराय बिबुंथि लाखियो। बेनि उनाव बिफानआरि मावफुं सोद्रोमा धन्जय बसुमतारिआ गावनि बिबुंथियाव बिटिआरिनि गाहाइ मावफुं सोद्रोमा प्रमद बर'नि दैदेनायाव बिटिआर ओन्सोलाव जायफोर जौगालु खामानिफोर मावफुं जागसिनो दड बेनि गेजेराव बिटिसिनि आखाइ इसान आरो दानाय-लुनाय बिफाननि खामानिया मख'जाथाव नोजोर खोखैजादों होन्ना फोरमायदों। बिटिसि ओन्सोलाव आखाइ इसान आरो दानाय-लुनाय बिफाननि हाबाफारिफोरखौ मोगथं महर होनो थाखाय गोबां मख'जाथाव राहाफोर नाजावनाय जादों। बिटिआर ओन्सोलाव सा 300 जि दाग्राफोरखौ लानानै मोनफा क्लास्टार दाना होनानै ईसिं दाथाइआरि जौगाखानायनि खामानि मावनानै होनाय जादों। बेजों लोगोसेनो रंखांथिआरि हेफाजाब होनायनिबो थांखि लानाय जादों। फैबायथानाय समफोरव बे ओन्सोलाव आखाइ इसान एबा दानाय-लुनाय फालांगिजों लोब्बा लाखिनानै जि दाग्राफोरखौ रंखांथि बिथिडव गावखौनो गसंथाहोनाय। बिटिआर ओन्सोलनि आखाइ इसान आरो दानाय-लुनायखौ जौगाखांहोनाय आरो इयुनि सोमोन्दै मावफुं सोद्रोमा रन्जित बसुमतारि, दावबाइसा बर' आरो राकेश ब्रह्मा आ बिबुंथि लाखियो। दिनेनि बे माहारियारि आखाइ इसान साननि हाबाफारियाव बिटिसि खुंथाइनिफ्राय बिटिआर ओन्सोलनि सा 600 जि दाग्राफोरजों दाफुंजानाय मोन 20 क्लास्टारआव 6,50,000 राड्डे अन्सुंथाइ गथायनाय जायो। आसाम एबा बड'लेन्डनि आखाइ इसान आरो दानाय-लुनाय सिल्पखौ मुलुगनि दरवारआव फालांगि बिथिडव सिनायथिहोनाय उदालगुरि जिल्लानि जाफुंसार आइजो फालांगिरि एबा के.के. फाउन्डेसननि किरन बर'नो 5 लाख रंनि अन्सुंथाइ होनाय जायो। 1990 माइथायनिफ्रायनो आखाइ इसान आरो दानाय-लुनाय सिल्पजों फोनांजाबनानै किरन बर'आ दिनेसो गिबि खेबनि थाखाय सरकारि फार्सेनिफ्राय बेबायदि मान मोन्नो हानायाव बर'आ जोबोद खुसि जायो आरो बाहागो लानो हानाय जि दाग्राफोरखौ थांखिनानै थुलुगथाव बिबुंथि लाखियो। दिने बे माहारियारि आखाइ इसान सानजों लोब्बा लाखिनानै जि दाग्राफोर दिहुन्याय गुबुन गुबुन ओन्सोलनि जिफोरखौ दिन्थिफुंनानायि राहा खालामनाय जायो। बे दिन्थिफुंनानायि रन्जित बसुमतारिआ बेखेवनानै होयो। हाबाफारिनि जोबनायाव बिटिसिनि आखाइ इसान आरो दानाय-लुनाय सिल्पनि गाहाइ बिबानगिरि दिजेन्द्र कचरिआ बयनिमिमबो साबायखर बाउहरो।□

(□ 1 बिलाइनफ्राय)

गुवाहाटीआव दै जमा जानानै थानो जायगायानो गैयाः बिश्वजित दैमारि

बुधवारआव मरिगावआव खुंफुंनाय आखाइ इसान आरो दानाय-लुनाय बिफाननि मोनसे हाबाफारियाव बाहागो लानानै समबारआव हरखाब दै बाना सोमजिनानि सोमोन्दै बिश्वजित दैमारिआ बेबायदिनो बिबुंथि लाखियायखौ नुनो मोन्दों। गुवाहाटीआव एसे अखा हायोब्लानों दै जमा जायो। मानोना आथिखालाव गुवाहाटीआव दै जमा जानानै थानो जायगायानो गैलिया। बेबायदिनो बिधान सभानि बुंथिगिरिआ खौरंगिरिफोरनि सिगाडव बिबुंथि लाखिदों।□

तामुलपुर महकुमा गामि रैखाथि हान्जाया मेल खुनानै माखासे थांखि आजावदों

हान्जानि माखासे जेनाफोरखौ लानानै सावरयलायनाय जादों। तामुलपुर महकुमा गामि रैखाथि हान्जानि गाहाइ नेहाथारि दिन्दराम दासआ थांखिलाइ लानायखौ बुंथिना होनाय मेलआव गामि रैखाथि हान्जानि सोद्रोमाफोरनि दानआरि पकेट मानीखौ दाननि गेजेरावनो गथायनायनि राहा आजावनो आसामनि गिबि मन्थि डू हिमन्त बिश्व शर्मानिसिम खावलायो। दिनेनि बे मेलआव नेहाथारिनि मुंआव थानाय बँक एकाउन्टआव दानआरि पकेट मानी गथायनायनि राहा आजावनायखौ खावलायो। जेराव नेहाथारिनि बँक एकाउन्टआव दानआरि पकेट मानी गथायनाय खामानिफ्राय जानगाराव थानायनि थांखि आजावना लयो गामि रैखाथि हान्जानि सोद्रोमाफोर। बेनि अनगायैबो गामि रैखाथि हान्जानि सोद्रोमाफोरनि नांगौबादि गोनांथि मुवा-बेसादफोरखौ गथायनायनि थाखाय सरकारनिमिम खावलायदों। फारसेथिं फैगो उदासि सानआव गामि रैखाथि हान्जानि सोद्रोमाफोर खुंथाइजों लोगोसे जेबो रोखोमनियाव हेफाजाब होयैनि थाखाय दिनेनि मेलआवनो थांखि आजावना लयो। मेलआव तामुलपुर महकुमा गामि रैखाथि हान्जानि सार्केल दाफुंगिरि दिलिप दासजों लोगोसे गुबुन गुबुन गामि रैखाथि हान्जानि आफदागिरि-नेहाथारिजों लोगोसे माखासे सोद्रोमाफोर गाहागो लाफैदों।□

बरपेटा परगावआव हानि दावरव-दावसिआव सासे सुबुंनि जिउ खहा, सा 6 सुबुंआ जोखोम

अजद देखांदोंदि, कादेर आलि आरो बिनि फिसाज्ला आनवार हुसेनआ माखासे सुबुंफोरनि हेफाजाबआव पयेज उद्दिआ न'आव गैयैखौ खाबु लानानै आइजोफोरनि मोदोमाव सिखा आरो देगर बायदिजों गाग्लोबदों। बेनि जाहोनाव अलिमुन नेसाआ जोखोम जायो। नेसाखौ देहा फाहामसालियाव लांदोंमोनब्लाबो लामा ससेआवनो जिउ गोमायो। बेनि अनगायैबो बे जाथायाव मोनसे नख'रनिनो आपजाल हक, मुस्लिम उद्दिन, पयेज उद्दिन, नुर भानु आरो मरियम काटुनखौ गोब्राव थासारियाव देहा फाहामसालियाव थिसन्नाय जादोंब्लाबो जोखोम जानायफोरनि गेजेराव सानैनि थासारिया जोबोद गोब्राव होन्ना मिबथिनो मोन्दों। सरभग पुलिस बिफानआ जाथाय सालियाव नुजाथिहैनानै नायबिजिसंनयखौ जागायजेन्नायजों लोगोसेनो न'सिडव थाखुमानानै थानाय थासारियाव कादेर आलि, आनवार हुसेन, हासेम आलि आरो सासे आइजोखौ हमनानै सरभग थानायव लानानै थाखे। बे जाथायखौ लानानै दुंहाव थासारि सोमजियो।□

मैराझारआव फोरोंगिरिजों लोगोसे सा 5 जुवारुफोरखौ हमदों

जुवारुफोरखौ हमनो हायो। हमजानाय सा 5 जुवारुफोरनि गेजेराव सासेआ फोरोंगिरि हाबा मावो। मख'नो गोनांदि, मैराझारनि मोनसे मख'जाथाव थावनियाव जुवा गेलेबाय थानाय थासारियावनो पुलिसआ थावनिखौ बेंदिनानै जुवा गेलेबाय थानाय बिल्सिपारा गामिनि आमिर हामजा (52), साहारुल हक (25), बिस्व मीया (45), मैराझार गामिनि जाहिदुल इस्लाम (35), जलिल तालुकदार (48) गासै सा 5 जुवारुफोरखौ पुलिसआ हमनो हायो। जुवारुफोरनिफ्राय पुलिसआ नोगोद 27,830 रं, जराथाम टसनि पकेट आरो गंभ्र मबाइलबो बोखानो हायो। मख'नो गोनांदि, पुलिसआ हमनाय जुवारुफोरनि गेजेराव आमिर हामजाआ गबर्धना सोलौंथाइ खोन्देनि बेंखनाव थानाय मैराझार कुचियाकाण्डा बिलासीपार गेजेर इराजि फरायसालिनि फोरोंगिरि। राइजोफोरनि अजद होनाय बायदिल्ला, आमिर हामजाआ गोबाव समनिफ्रायनो जुवा गेलेनायजों लोब्बा दड। बिसोर जुवारुफोरनि हँथायै गबर्धना पुलिस थानायाव मोनसे गसर थिसन्नायै बिजिसालियाव नुजाथिहोना जोबथेसालियाव दैथायहरो।□

आसामजों लोगोसे हादतनि मोन 9 राइज्योनि मोन 12 राइज्यो सभा मासिनि थाखाय बिसायख थिनि सानखौ फोसावबाय

राइज्यो सभानि बिसायख थिया खुंफुं जागोन। मख'नो गोनांदि, बावैसो जोबनानै थानाय लकसभा बिसायख थियाव आसामनि सानै राइज्यो सभानि एमपिआ बादायनानै लकसभाआव सायख'जाबाय। डिब्रुगड लकसभा बियाबनिफ्राय सर्बानन्द सनवाल आरो गोदनै दाफुंजानाय काजिरङ लकसभा बियाबनिफ्राय कामाख्या प्रसाद तासाआ एमपि महरै लकसभायाव सायख' जानायाव बे मोननै मासिया लांदों जानानै दड। बेनिनो कामाख्या प्रसाद तासानि मासिनि मावफुं समआ 14 जुन, 2025 सिम आरो सर्बानन्द सनवालनि मासिनि मावफुं समआ 9 एप्रिल, 2026 सिम। आसामनि बे मोननै मासिनि थाखाय बिसायख थिया खुंफुं जागोन। बेनि थाखाय बिजाथिलाइ गथायनायनि जोबथा सानआ 26 आगस्टखौ थिनानै होनाय जायो। गुबुन फार्सेथिं आसामनि अनगायैबो बिहारआव मोननै, हरियाणाआव मोनसे, मध्य प्रदेशआव मोनसे, महाराष्ट्रआव मोननै, राजस्तान, त्रिपुर, तेलेंगाना आरो उरिष्याआव मोनफा-मोनफा मासियाव राइज्यो सभानि बिसायख थिया खुंफुं जानो थांगसिनो दड।□

मणिपुर बिधान सभा पेनेलआ म्यान्मारनिफ्राय आयेन बेरेखा गुबुन हादतयारिफोरनि हाबैनायखौ नाइबिजिगोन

इम्फल, 7 आगस्टः मणिपुर बिधान सभाआ म्यान्मारनिफ्राय सा 10,500 निफ्राय बांसिन आयेन बेरेखा गुबुन हादतयारिफोरनि हाबैनायखौ नायबिजिगोनो समायखिरा लयो। बे थांखिखौ थानाय मंगलबारखालि मणिपुर बिधान सभानि फुनि जथुमानि समाव लयो। मणिपुरनि गिबि मन्थि एन बिरेन सिआ वेखौ दानायनि थांखि लयो। हाउस कमिटिआ राइज्योनि सिमनाफोरव जेना गोनां आयदाफोरखौ नायबिजिगोन। बे थांखिया बेरेखा देदेनगिरि आरो मणिपुरनि आगुनि गिबि मन्थि अकराम इबबि सिनि मदत मोन्दों। बे सावरयनाया फुं गयार बिसायख थि ओन्सोलनि एमएलए लिशिप किशंनि थांखिनि फिन्नायाव जायो। गेजेराव जुलि जानायनि रिपट मोन्नाय जादों। बिसोर मणिपुर सरकारनाव ओन्सोलारि आरो



बेरेखा गुबुन हादतयारिफोरनि गेजेराव सा 6,199 आ कामजं जिल्लायाव थानाय बिसोरनि बिसायख थियायि ओन्सोलाव थागासिनो दड। किशंआ जिंजा सिनाय फोरमायदोंदि, बिसोरनि बिसायख थि ओन्सोलनि सिडव सरकारि सुबिधाफोरव आस्रय मोन्नाय बे गुबुन हादतयारिफोरा जायगानि ट्राइबेलफोरजों लोगोसे थागिबि आरो गुबुन हादतयारिफोरनि गेजेराव जुलि जानायनि रिपट मोन्नाय जादों। बिसोर मणिपुर सरकारनाव ओन्सोलारि आरो हादतयारिफोरनि थाखाय रैखाथि गोनां इयुनखौ रोखा खालामनो थाखाय मदत खालामनो खावलायो। बिधान सभाखौ सोमोन्दो लाखिनानै मणिपुरनि गिबि मन्थि बिरेन सिआ म्यान्मारआव सोलिबाय थानाय गोजोन गैयैनि थाखाय दै बानाखौ दायनिगिरि हमदों। बिथाडा आयेन बेरेखा गुबुन हादतयारिफोरखौ आस्रय होग्रा आयेनारि बिजिनारायजों धुगिनांगोन होन्ना सांग्राथि होदों।□

मणिपुरआव कुकि एमएलएफोरनि नख'र मन्थिनि सायाव हारियारि बुथारलुनानयनि दाय जाबसिनायखौ मेटेइ हान्जाया सोंखारिदों



इम्फल, 7 आगस्टः मेटेइ एलायन्सआ मणिपुरनि सा 10 कुकि एमएलएफोरनि बावयैसो सिगां नायबिजिनयखौ सोंखारियो, जायफोर 2024 नि 2 आगस्टआव भारतनि नख'र मन्थिनि सायाव बिसोरनि फोलेरफोरनि हँथायै हारियारि फोजोबसंनय हाबाफारि सालायनायनि दाय जाबसिन्दीमोन। एमएलएफोर मणिपुरनिफ्राय आसाम राइफल्सनि मोनै

बेटेलियानफोरखौ ट्रांसफार खालामनाय नख'र बिफाननि थांखिखौ सेलेन्स होदों, जाय माहारियारि रैखाथिनि थाखाय सान्थियारि बिथांखि लाग्राफोरनि गेजेरजों लानाय गोनांथि जानाय सोलोखांथियारि थांखिमोन। मेटेइ एलायन्सआ बे दाय जाबसिनायफोरखौ मान खहा खालामनाय आरो थगायनाय होन्ना फोरमायदों। जुथाइ दोलोनि बायदिल्ला, आसाम राइफल्सखौ सिआरिफेजों

सोलायनाय थांखिया मोनसे सुबुंथियारि रैखाथि राहा आरो बेयो बबेबा फोलेरनि हँथायै खँसार सानाय नडा। एमएलएफोरनि दाबि देखानाया भारतनि रैखाथि हान्जाफोरनि फोथायथिखौ लोरबां खालामो आरो बेनि थांखिया नख'र बिफाननि थांखिफोरखौ बदनाम खालामो। जुथाइ हान्जाया जिरिबाम जिल्लायाव मेटेइ आरो जॉनि फोलेरफोरनि गेजेराव काछार रादाय सिफायनायनि सायावबो जिंजा सिनाय फोरमायो। थानाय 2023 नि नभेम्बर दानाव गायसन्नाय मेटेइ एलायन्सआ भारत, अस्ट्रेलिया, इउके, इउरप, कानाडा, अमेरिका आरो निकारागुआयाव मेटेइ गुबुन हादतयारि फसंथानफोरखौ दैदेनो।□

आइन बेरेखा रं खानाय आरो हुमखिनि हँथायै कहिमायाव गिटिर रेलि खुंदों

कहिमा, 7 आगस्ट : सरसन्ना सुबुंफोरनि सायाव गोबां आइन बेरेखा हुमखि होनाय, रं बोखानाय, अनागार खालामनाय आरो बुथारनो हुमखि होनाय हँथायै आंगामि लाइमोन आफाद (एवाइअ) आ जागायनाय मोनसे मख'जाथाव राइजोयारि रेलियाव दिने रोजा-रोजा सुबुंफोर एलड एमएलए जांक्सन, फुलबारियाव थुबुर जायो। रेलियाव गुबुन गुबुन लाइमोन आफादफोर, संघफोर आरो गोबां सुबुंफोरखौ बाहागो लानाय नुनो मोन्दों। एवाइअनि आफादगिरि केंससुल क्रिस्टफार एलटुआ रेलियाव बिबुंथि लाखियो आरो नागा समाजनि विखन्डन आरो नागा राजखान्थियारि हान्जाफोरनि सोबख'नायखौ गोखों रावजों सांखारियो। बिथाडा खुंदों, एवाइअया मोनसे नोगोरारि आफादब्लाबो बेयो गावन



सुबुंफोरनि रैखाथिनि थाखाय गोनांथार नायबिजिगोन। नागा माहारिबाद सोमावसारनायनि गुबै थांखिया रं दाबिनाय आरो जर्-जुलुमै रं बोखानायखौ गोसारहोनाय नडामोन। मख'जाथावदि, एलटिडउआ आंगामि थिकादारनि हँथायै बावैसो सिगां बुथारनो हुमखि होनायखौ सोंखारियो आरो बे फोर बायदि हुमखिनि थाखाय एन्जिपिया जर्-जुलुमै रं दाबिनायाव बिहोमा होनायनि दायनिगिरि गनायथिजादों। बिथाडा बे

हान्जाफोरनि सायाव एनएसएनि गेजेरजों के स सालायनो खावलायो आरो दावहा दोन्थ'नायनि खान्थिखौ गोखोडै गोहोम गोनां खालामनांगीनि फारसे आनि दिन्थयदों। रेलिनि उनाव नागालेन्डनि राइज्यो बेंगिरि ला गणेशन बिथानो गांस गोसोखांलाइ एबा मेमन्डाम गथायो, जेराव एवाइअनि आफादगिरि एलटु आरो गाहाइ नेहाथारि नेडिलहौटुअ बिथांमोनहा मुंसाइ होदों।□

(□ 1 बिलाइनफ्राय)

गुवाहाटीआव दसे अखा हानायजों फिन दै बाना सोमजिदों

रड, जु रड, हातिगाव रड, एसएफएस स्कुल (सातगाव), जिएनबि रड, बरिपार, बरगावनि माहारियारि राजा लामा, चानमारि कमासं कलेज पडन्टआव हरखाब दै बाना सोमजिनानि जाहोनाव हान्था-मैला राहाय बन्द जानो गोनां जादों। फारसेथिं, अखं आसामनिफ्राय गुवाहाटीनि हाबग्रा गेटआव थानाय जयबातआव गिबिथाव गारि-मटरफोर ट्रफिक जादों। फारसेथिं, नोगोरमायाव अखा हानाय लोगो लोगो गुवाहाटीनि थागिरिफोरनिमिम आसामनि गिबि मन्थि डू हिमन्त बिश्व शर्माआ जरखा बाश्रखौ खावलायना होदों। नोगोरमनि थागिरिफोरखौ न'सिडवनो थानो थाखाय गिबि मन्थि खावलायहरदों। बिथाडा लोगोसेनो गोनांथि गैयैयाव मटर-गारिफोरखौ बाहायैनि थाखायबो खावलायहरदों। गुबुन फारसे गुवाहाटीनि ट्रफिक पुलिसआ हेल्फ लाइन नाम्बार बेखेवना होदों। हेल्फ लाइन नाम्बार 3612730989, 6026176755 आरो 6901269006 आव कल खालामनो गुवाहाटी ट्रफिक पुलिसआ खावलायहरदों।□

भिजय भर्मानि सावगारिखौ एकाउन्टनिफ्राय आरआइपि मेसेजजों शेयार खालामदों

ग्लेमर दारिमिनाव, फावखुंगुरफोरनि थाखाय गावसोरखौ आरो गावसोरनि खामानिखौ फोसावनाया जोबोद गोनांथार। नाथाय बेनि राहायाव बिसोर गोबां खेब सिमाखौ बारलाडे। जुदि बिथाड अन्सायगिरिफोरनो मोनसे खौरां होनांगोब्ला बिसोर माबा मोनसे खालामो, जायनि थाखाय बिथाड टूलिजों मोगा-मोगि जानांगोन। बावैसो, भिजय भर्मानो बेबादिनो माबा मोनसे



खालामदोंमोन। भिजय भर्माना बलिउडनि सासे मुंदांखा फावखुंगुरजों लोगोसे अटिटिनि सासे गिदिर फावखुंगुर।

फावखुंगुरि मुमताजआ गावसिनि थांखांनय माखासे जाथाइफोरनि सायाव सावरायदों



हिन्दी सावथुननि सिगानि सुपारस्टर राजेश खानानि सोमोन्दे बलिउडनि मुतुगआव जेब्लाबो खोनानो मोनो। बिथांखौ बाखानायाव रावबो मेंआ। सावथुन 'आखिरी खत' निफ्राय गावनि केरियारखौ जागायजेनाय काकाआ आशा पारेख, स्मिता पाटिल, शबाना आग्नि, टिना मुनिम, जिनत एमान आरो रेखा बायदि फावखुंगुरफोरजों लोगोसे खामानि मावदोंमोन, नाथाय बिथाड जायजों बांसिन सावथुनफोर खालामदों बियो जादों मुमताज। पर्दायाव राजेश खाना आरो मुमताजनि केमिस्ट्रीखौ नायगिरिफोरा जोबोर मोजां मोनोमोन। बावैसो सिगां मुमताजआ राजेश खानाजों लोब्ला थानाय माखासे गोजाम जाथाइफोरखौ गोसो खांफिन्दों, जायखौ सुबुंफोरा मिबथियामोन। बिथाड मोनसे इन्टारभिउआव बेखौबो मिबथि होदोंमोन जे बिथाड धर्मेन्द्र आरो देवानन्दजों लोगोसे खामानि मावोमोन। अब्ला राजेश खानाया गात्रिये खुद्रियोमोन। फावखुंगुरिआ बुंदोंदि, जेब्ला आं धर्मेन्द्र जी एव देव साहाब बायदि गुबुन फावखुंगुरफोरजों लोगोसे सावथुनफोरखौ साइन खालामोमोन, अब्ला बिथाड (राजेश खाना) गात्रि मोनोमोन। बिथाडबो गोबां गुबुन फावखुंगुरिफोरजों लोगोसे खामानि मावदों, नाथाय आं रागा जोडाखे एबा खुद्रियाखे। बिथाड आंनि सायाव गावखौ फिसायबायदि खालामोमोन एबा सानोमोन। नाथाय आं माब्लाबाबो बेफोर बाश्राखौ गोसोआव लायाखेमोन। आंनि थाखाय बेनि आंथिया बेनोमोनदि बिथाड आंनि थाखाय सिन्धा खालामो।' दथि आरो स्तिथि जौथायाव फावखुंगुरि मुमताजआ मुंदांखा फावखुंगुर राजेश खानाजों लोगोसे दो रास्ते, बन्धन, रेटि आरो आप की कसमजों गासै मोन 10 सावथुनफोराव खामानि मावदों आरो बिथांनि बे गासिबो सावथुनफोरा हिट जादोंमोन। मुमताजआ 8 बोसोर बैसोनिफ्रायनो खामानि मावनायखौ जागायदोंमोन आरो बिथाड गासिबो खामानि मावनायनि गेजेरजों सोलोंदोंमोन।

हास्थायगिरिफोरा बिथांखौ 'डार्लिस', 'लस्ट स्टरीज 2' आरो 'मिर्जापुर' नि थाखाय मिबथियो। डार्लिस सावथुनाव बिथांनि दिन्थिफुनाया जोबोद मोजां मोनजादोंमोन। बे जाहोननि थाखायनो सुबुंफोरा आलिया भाट्ट आरो शेफाली शाहनि नुजाथिनायावबो बिथांनि फाव खालामनायखौ नोजोर होदों। नाथाय बावैसो भिजय

मुकेश खानाया हिन्जावनि ड्रेस गान्ना एक्टिं खालामनायनि सायाव आलि असगरजों सावरायदों

मुकेश खानाया जेब्लाबो इन्डास्ट्रिनि ट्रेन्ड आरो काल्सारनि सायाव सौलु सौबाय थायो। बावैसो सिगां फावखुंगुरआ कर्मिडियानसि सायाव सौलु सौदोंमोन, जायफोरा आइजोफोरनि खसाब गान्नासै स्व' खालामो। बेनि गेजेरजों मुकेश खानानि नोजोरा बै फावखुंगुरनि सायावमोन, जाय आइजोफोर बायदि गानग्रा सि एबा ड्रेस गान्ना, मेकआप बायदि खालामनासै स्व'आव बाहागो लाफैयो। अदेबानि मुकेश खानानि चेट स्व'आव आलि असगरआ फैदोंमोन, जेराव फावखुंगुरआ बिथांजों सावरायदों। आलिखौ कपिल शर्मानि स्व'आव बिबैनि फावनि थाखाय मिबथिनाय जायो। बबेखानि खानाया बाश्रा सावरायनायनि गेजेरजों मिबथि होदोंदि, बिथाड बेफोरखौ मोजां मोना। मुकेश खानाया आलिनि फावखौ मोजां नडा होन्ना मिबथिहोयो। जेब्ला मुकेश खानाया आलिनि सिगाडाव जिरायना बिथांनि सोमोन्दे बिन्दि बुडो, अब्ला आलिया मेकासफोरखौ रैखाथि होनासै

भर्माया मोनसे गोरोन्थि खालामदों, जायनि थाखाय बिथाड निमाहा बिनादों। भिजय भर्माया बावैसो गावनि थैनायजों सोमोन्दो गोनां मोनसे पस्ट शेयार खालामदों। बिथाड गावनि मोनसे सावगारि शेयार खालामदोंमोन, जेराव बिथांखौ केप्टेइनिन महाराव नुनो मोन्याय जादों। बेयाव लिरनाय दं, 'हमजा आबुल शेख। मोजां मोनग्रा फिसाय आरो बिजामादै। कुरानखानी आर'ज समबाखालि बेलासिनि 5:30 सिगायाव। गोबां अन्सायगिरिफोरा भिजयनि पस्टखौ नुनानै गोमोदोंमोन। बेनि थाखाय सुबुंफोरा बिथांखौ टूलबो खालामदों। सासे बाहायगिरिया बिबुंथि होयो, 'बेबादि खौरां फोसावनासै



लोगोसे बेखौबो मिबथि होदोंदि, बिथाड स्व'आव बिबैनि फाव मानो जायो। आलिया शक्तिमाननि फावखुंगुरनि बेबाश्राखौ बिथांनि पारसनेल अपिनियन होन्ना मिबथिहोयो आरो बुडोदि, बेयो नोंथानि गावनि राय जानो हागौ। आं बेनि सायाव जेबो बुंनो साना। सुबुंफोरा जेब्लाबो सोडेदि, सासे हौवाखौ मानो हिन्जाव बानायखो? बेनि मोनसे जाहोना आंनि हिसाबाव बेनोदि, रावबो आं बायदि बिबै जानो हाया। जुदि सोरोबा बे फावखौ खालामोब्लाबो एसेबो एनाजितिक जानाय नडामोन। मिबथि होनाय जादोंदि, मुकेश खानाया आलि असगरजों सावरायनायनि उनाव एक्सआव बुडोदि, बिथाड हिन्जावफोरनि ड्रेस गान्नासै मोसनाय एबा एक्टिं

गोसोखो दुखु दाहो। सासेया लिरदोंमोन, आंहा माखासे सेकेन्डनि थाखाय हार्ट एटेक जादोंमोन। गुबैयै, भिजय भर्मानि सावथुन डार्लिसआ 2 बोसोर बारलांवाय। बे सावथुनाव बिथाड हमजा शेखनि फाव खालामदोंमोन। हमजाया सासे सुबुंमोन, जाय गावनि बिसिखौ बुथारोमोन आरो बिनिफ्राय खिथेर लायोमोन, सानसे खालि बिथांनि बिसिया बिखौ बुथारो। भिजयआ बेजों सोमोन्दो गोनां मोनसे पस्ट शेयार खालामो आरो लिरदों, 'हमजाया जों बयखौबो सोगोआव दावबायनो थाखाय नागारलानायनि 2 बोसोर बारलांवाय। मिस इड हमजा डार्लिस।



खालामनाया मोजांमोन। नाथाय मोनसे स्व' दड जायनि मुंखो आं बुंथिला बेयाव कर्मिडिनि मुडव बेफेरगासिबो सोलिबाय थायो।

बिग बस अटिटि 3 स्व'आ जोबनायनि उनाव मोनसे भिडिअआ भाइरेल जागासिनो दड

बिग बस अटिटि 3 आ दाबावैसो जोबना थांबाय। सना मकबुलआ बे स्व'आव देरहानो हाबाय। अदेबानि आथिखालाव बे स्व'नि कन्ट्रिभासिआ जोबनायनि मुं लायाखे। आरमान मालिकआ बे स्व'आव बयजोंबो सावरायजाग्रा बादायगिरिनि गेजेराव सासेमोन। इउटुबारआ स्व'आव गावनि सानै बिसिफोरजों जयै फैदोंमोन। पायल मालिकआ जेराव नैथि सप्ताहायावनो बिग बसनि न'निफ्राय ओंखारनो गोनां जादोंमोन। गुबुन फारसेथिं, कृ तिका आरो आरमान मालिकआ गोबाव समसिम थादोंमोन। फिनलेनि 1 सप्ताह सिगां डाबल एलिमेनेशन राउन्डआव आरमानखौबो स्व'निफ्राय बायजोनि लामाखौ दिन्थिनाय जादों। बबेखानि कृतिका मालिकआ टप 5 आव जायगा आवगिनो हादोंमोन। नाथाय फिनलेनि सानाव टप 5 कन्टेस्टेन्टनिफ्राय एलिमिनेट जानानायनि कृतिकाया गिबि कन्टेस्टेन्टमोन। आथिखालाव



मेगा स्व'आ जोबनायनि उनाव मोनसे भिडिअआ भाइरेल जागासिनो दड, जेराव हस्ट अनिल कापुरआ कृतिकानि थानायखौ फोसावदों। एलिमिनेशननि फोसावनायनि उनाव कृतिकाया सफनिफ्राय सिखारो। अदेबानि बिथांजों लोगोआव थाफनाय कन्टेस्टे रणबिर शौरिआ बिथांजों लोगो हमनो आरो बिदाय लानो थाखाय फैयो। कृतिकायाबो रणबिरखौ अल दा बेस्ट बुडो। बेनि गेजेरजों रणबिरआ कृतिकाखौ गोबायो आरो बिथांनि

खावलायाव खुदुमहरो। बेनि उनाव आरमान मालिकआ गोमोथावना रिक्शन होदोंमोन। इउजासफोरा बे भिडिअनि सायाव गुबुन गुबुन रोखेमनि कमेन्ट खालामगासिनो दड। सासे इउजासआ लिरदोंदि, सोखा किस खालामबा राइट जायो आरो बाजैआ मोजां होनासै बुडोब्ला गोरोन्थि जानाय मोनो।' नैथि इउजारआ बुंदोंदि, 'दा बिथांजों सोबाजायोब्ला जानु जायो।' मख'नो गोनां बाश्राया बेनोदि, बिग बस अटिटि 3 नि बयजोंबो सावराय जानाय

जाथाइफोरनि गेजेराव मोनसेमोन जेब्ला आरमान मालिकआ गोखोडे गावनि बिसि कृतिकानि सायाव कमेन्ट खालामनायनि थाखाय भिशाल पान्डेखौ सोबादोंमोन। पायल मालिकआ उडकेन्ड वार एपिसडआव फैदोंमोन आरो दाबि दैखादोंमोनदि, बिशालआ कृ तिकाखौ फसायो। बिशालआबो बुंफिन्दोंमोनदि, बिथांनि सोदोबखौ नंखाय ओंथि दिहुन्नाय जादों। बिथांखौ खुद्रिनानै स्व'आव आरमानआ राइदों आरो सोबादोंमोन।

गाहाम देहानि राहा

डेंगु बेरामनि थाखाय माखासे फिथाइफोरा मुलाम्फा गोनां

डेंगु बेरामआ गिथावना बेरामफोरनि गेजेराव जायगा मोनो। डेंगु बेराम जायोब्ला देहायाव प्लेटलेटफोरा खमायनो हमो। जाउनाव बेरामिआ लोरखां जायो। लांश्रियै लोमजानाय खर' सनाय आरो गोबानाय बायदि जेनाफोरनि जाउनाव डेंगु बेरामिआ लोरखां जायो। बे बेरामनिफ्राय गोखैयै बारग'नो थाखाय डाइटाव जर'खा नोजोर लाखिनांगो जायो। जानायाव भिटांमिनि सिजों बुंफबनाय जांमुंखौ लाफानांगो जायो। लोगोसे डेंगु जानाय बेरामिआ गोबां दै लोनानै देहाखौ हाइड्रिकआव लाखिनांगो। बेबादि कालामोब्ला डेंगु सन्देर जानायनिफ्राय मोजां जाफिन्नायाव मदद मोनो आरो प्लेटलेटफोरबो बारयफिनो। डेंगु जानायाव प्लेटलेटफोरखौ बांहोनो थाखाय गाहायाव होनाय फिथाइफोरखौ जानांगो। (1) **क्वी**:- डेंगु बेरामिखौ जर'खागिरिफोरा क्वी फिथाइ जानो सुबुरुन होयो। बे फिथाइआव भिटांमिनि-सिखौ गोबां मोन्याय जायो। जाय भिटांमिनि-सि आरो भिटांमिनि-जिसजाजों जुजिनायाव मदद



खालामो। बेनि अनगायैबो बे फिथाइआ देहायाव गोनांथि जानाय थादेरसाफोरखौ जगायनानै होयो। बेयाव गोबां बिबांनि फाइबर मोन्याय जायो। जाउनाव जोंनि डाइजेसन सिस्टेमआ मोजां जायो। (2) **डार्लिम**:- डेंगु बेरामिफोरा डार्लिम फिथाइ जानांगो। बे फिथाइआव एन्टि अक्सिडेन्ट मोन्याय जायो। जाय थादेरसाआ गोबां जेनानिफ्राय रेहाय होयो। बे फिथाइआव भिटांमिनि सि मोन्याय जायो। डार्लिम फिथाइखौ जायोब्ला देहायाव रेड ब्लाड सेल्सआ बारयनाय फैयो। देहायाव थै आरो हिमग्लबिनखौ बे फिथाइआ बांहोयो। (3) **मोदोमफुल**:- फाइबरजों बुंफबनाय मोदोमफुल फिथाइआ डेंगु बेरामिफोरनि थाखाय मुलाम्फा गोनां। मोदोमफुलआव भिटांमिनि-सि आरो भिटांमिनि-ए मोन्याय जायो। डेंगु

सन्देरनायाव बे फिथाइनि बिलाइफोरखौबो बिदै खालामना बाहायनो हायो। (4) **आपेल**:- डेंगु लोमजानाय एबा गुबुन बेरामनि थाखाय बेरामिफोरा बे फिथाइखौ जानो हायो। बे फिथाइआव गोनांथि जानाय भिटांमिनि आरो मिनारेल्सखौ गोबां मोन्याय जायो। आपेल फिथाइआव फाइबरखौ गोबां मोन्याय जायो। जाउनाव जोंनि उदैआ दिदोमै थायो। (5) **सुमफ्राम**:- डाक्टरफोरा भिटांमिनि-सिजों बुंफबनाय सुमफ्राम फिथाइखौ जानो सुबुरुन होयो। बे फिथाइआव फाइबर आरो भिटांमिनि सिखौ गोबां बिबाडाव मोन्याय जायो। जाउनाव बे फिथाइआ जोंनि इम्युनिटिखौ बांहोयो आरो डेंगु लोमजानायनिफ्राय रिक्भार जानायाव हेफाजाब खालामो।

आलिया भाट्टनि बिमाय आयान मुकार्जि आरो राहानि जयैनि मोनसे भिडिअआ भाइरेल जादों

बे बाश्राखौ नेवसिनो हाया जे राहा कापुरआ बे समाव बि टाउननि किउटेस्ट स्टार किड। सशेल मिडियाआव फेनाय लोगोनो आलिया भाट्टनि फिसाजोनि भिडिअफोर आरो सावगारिफोरा जोबोर गोखैयै भाइरेल जायो। रणबिर कापुर आरो साहानि लिटिल प्रिन्सेलनि बयनिखुइ देरसिन एट्रेक्शनआनो जादों बिथांनि निला मेगन। बावैसो सिगां राहाया बिमाय मायान मुकार्जि आरो बिमा आलिया भाट्टजों लोगोसे बेरायनो ओंखारदोंमोन। इनस्टग्रामआव जाय भिडिअआ भाइरेल जागासिनो दड बेयाव राहाया जोबोर रंजनायजों एबा खु सिजों आयान मुकार्जिजोंबामजाना जिरायन नुनो मोन्दों। आलिया आरो आयान जयै गंसे गारिजोंनो ओंखारदोंमोन, अदेबानि रणबिर कापुरआ बे आवुआव गावनि बेस्ट फ्रेन्डजों लोगोसे नुनो



मोनाखे मोन। भिडिअआव आयान मुकार्जि आरो आलियाखौ गुफुर गाबआव ट्रिविनि खालामनाय नुनो मोन्दों, जेराव राहाया बेज गाबनि आउटफिट गानायमोन। बेजों लोगोसेनो बिथाड किउट पनि टेलबो बानायनायमोन। बे बाश्रानि जेबो खौरां गैयाजासे साथामजों बबेहाय थानो नागिरिदों? बेनि सिगांबो राहाखौ गोबां खेब स्पट खालामनाय

जादों, मानोना अन्सायगिरिफोरा बे बबलि गार्लनि मोनसे नुथाय मोनो थाखाय उरु-खुथु जाना थायो। माखासे सान सिगां बिथाड गावनि बिफा रणबिर कापुरजों लोगोसे मुजाथिदोंमोन। रणबिरआ गावनि गोदान न'नि कनस्ट्रक्शन साइटाव थादोंमोन, जेराव किउट राहाखौ केमेरानि सिगाडाव मिनिहरनाय नुनो मोन्दों। रणबिरआ बेनि सिगां गावनि आरो राहानि

सोमोन्दे इन्टारभिउआव सावरायदोंमोन। निकिल कामथजों लोगोसे बिथांनि पडकास्टनि सायाव बाश्रा सावरायनायनि गेजेरजों रणबिरआ बुंदोंदि, 'आं दा जेब्ला सासे बिफा जाबाय आरो आंहा सासे फिसाजो दड, बेयो गेम-चेन्जार। राहाखौ नायोब्ला आं सानोदि, जेरे आं दासो जोनोम जादों एबा आंहा फिन जोनोम जाफिन्दों।'।

नेपालआव हेलिकप्टार जाब्रबथायाव सा 5 दावबायारिफोरनि जिउ खहा

काठमान्डु, 7 आगस्ट: नेपालनि नुवाक'टआव गंसे हेलिकप्टारआ जाब्रबथायाव गोगलैयो। बेनि जाउनाव बिरख'आव थानाय साबा दावबायारिफोरा जिउ गोमादों। बेखौ बुंनाय जादोंदि, रासुवायाव थानाय बे हेलिकप्टारआव साबा सुबुंफोर दंमोन। बेयाव साब्रै चीननि नोगोरारिफोरबो दडमोन। 24 जुलाइखालि नेपालनि त्रिभुवन गेजेर हायुंआरि बिरख' गाथोनाव बेबादिनो गंसे बिरख'आ जाब्रबथायाव गोगलैयो, जेराव सा 18 सुबुंफोरा जिउ गोमादोंमोन। बेनि उनाव बे हेलिकप्टारआ जाब्रबथायाव गोगलैयो। बेनिफ्राय मिबथिनो मोनोदि, गात्रि सामलायनायनि



थाखाय नेपालआव बिरख'नि जाब्रबथायफोरा जोबोद सरासनसा जाबाय। रैखाथिनि खामानिया जायगायावनो सोलिगासिनो दड। खौरानि बायदिब्ला, बे हेलिकप्टारआ

नेपालनि नुवाक'टनि शिबपरि ओन्सोलाव जाब्रबथायाव गोगलैयो। बेयाव एयार राजफोलेरनि गंसे हेलिकप्टारआ गोगलैयो। बिरख'आव थानाय गासैबो साबा सुबुंफोरा जिउ

गोमादों। त्रिभुवन गेजेर हायुंआरि बिरख' गाथोनि मोनसे सुलुख दि हिमालयन टाइम्सने बुंदोंदि, हेलिकप्टारआ काठमान्डुनिफ्राय थादोंमोन आरो सयाफरबेन्सीसिम थांगासिनो दडमोन।

मुहम्मद युनुसआ बांलादेशनि इन्टारिम गाहाइ मन्थि महै थिसन जाबाय

ढाका, 7 आगस्ट : बांलादेशआव थांनय मंगलबार हराव इन्टारिम सरकारनि गाहाइ मन्थि मासियाव नभेल बान्था देरहागिरि मुहम्मद युनुसखौ थिसनो। हादतगिरि मुहम्मद शहाबुद्दीनआ फरायसा सोमावसारनायखौ दैदेननाय आफादनिसा 13 सोदोमाफोरजों सावरायनायनि उनाव युनुसखौ थिसननो फोसावो। बे सावरायनायव साथाम साश्चिनि गाहाइफोरावो बाहागो लादोंमोन। बेनि सिगां हादतगिरिया हादतनि संसदखौ भंग खालामो, जायजों आथिखालाव गोदान सरसन्हा बिसायख'थिनि थाखाय लामाया स्रां जाबाय। थांनय मंगलबारवको बेरेखा दोलोनि दैदेनगिरि आरु आगुनि गाहाइ मन्थि बेगम खालिदा जियाआवो



गबाय। सोमावसारग्रा फरायसाफोरा इन्टारिम सरकारनि गाहाइ मन्थि मासिनि थाखाय नभेल बान्था देरहागिरि मुहम्मद युनुसनि मुडव थांखि होदोंमोन। बांलादेशखौ रेखा खालामनो थाखाय 84 बोसोर बैसोनि युनुसआ बिबान सामलायनो थाखाय थियारि जायो। गोदानै थिसनजानाय गाहाइ मन्थि युनुसआ हासिना सरकारखौ बोखारनायखौ बरायो। ग्रामीण

बेंकनि गेजेरजों निखाउरिखौ जानगार खालामनो नाजानायनि थाखाय युनुसखौ 2006 आव नभेल बान्था होदोंमोन। 2009 आव शेक हासिनानि खुंथायाव फैनायनि उनाव युनुसनि हेंथायै गोबां केस थिसनदोंमोन। मख'नो गोनादि, जुलाइ आरु आगस्ट दानआव फरायसा सोमावसारनाय समाव ग्रेप्टार खालामजानाय रोजा-रोजा लाइजामफोरखौ मंगलबारखालि जामिन होयो।

नासाआ गावनि जानो गोनां अख्रामा दावबायनायनि लन्चआव गोबाव खालामदों



वाशिंन्टन, 7 आगस्ट : सानै अख्रामा दावबायारिफोरा गावनि बड़ स्टालाइनार अख्रामा यानआव टेक्नीकेल जेंनाफोरनि जाहोनाव हारिमायारि अख्रामा स्टेशन (आइएसएस) निफ्राय फेफिननो हायाखै। बेनि जाहोनाव हारिमायारि अख्रामा स्टेशनआव बावसिन सम थांनो थाखाय नासाया गावसोरनि जानो गोनां अख्रामा दावबायनायखौ लन्च खालामनायाव गोबाव खालामगासिनो दड। स्पेस अख्रामा एजेन्सिया थांनय मंगलबारखालि बुडेदि, बिसोर बुडेदि, बिसोर स्पेसएक्सनि सबै सुबुंफोरनि बिरनायखौ बे दाननिफ्राय फैगौ दानसिम बारायना होबाय। आथिखालाव बेखौ थाबैनो 24 सेप्टेम्बरनि थाखाय थि खालामदों। बेजों बिसोर हिलियम लीग आरु थ्रस्टारव गात्रि जानायखौ नायबिजिनो थाखाय बावसिन सम मोनगोन होन्ना बिबानगिरिफोरा बुंदों, जाय थांनय जुन दाआव बडनि स्टारलाइनार केपुलनि बिरनाय उनाव सौग्रावदोंमोन। नासानि भारतयारि फोलेरनि अख्रामा दावबायारि सुनिता विलियाम्स आरु बेरी विल्मरआ गासै 2 दाननिफ्रायनो अख्रामायाव थाबथाना दड। नासाआ बे सानै अख्रामा दावबायारिफोरखौ लाबोफिननो थाखाय गावनि गासै अप्शनफोरनि सायाव सावरायगासिनो दड, जेराव स्पेसएक्स केपुलआव गाखोनायावो दंफायो। नासा आरु बड़ अख्रामा याननि थियारिखौ नायबिजिननाया सोलिगासिनो दड आरु स्टारलाइनारफोर फेफिननायनि सोमोन्दै जेबो थांखि लायाखै।

इयुनाव गैयैखौ फोथांफिन्नो हानायनि गोथौ संदान्दों जामाननि कम्पानीया

गोदान दिल्ली, 7 आगस्ट : मुलुगआव उजिनय बयबो जिउनांफोरनो सानसे थैखायो बेखौ जों बयबो मिबथिगो। नाथाय आथिखालाव मोनसे गिदिर दाबि दैखानाय जादों। सिलिकन भेलि कम्पानीनि सिडिअ ब्रायन सनजननि जेव्वायबो थांनय थानायनि थाखाय खालामनाय गुबुन एक्सपेरिमेन्ट एबा आन्जाद खालामदों। 46 बोसोर जनसनआ गिबि सुबुं जाय बेथाव जाफुंसासोबो हादों। बिथाड एन्टि एजिं प्रडाक्टजों गावनि बायलजिकेल बैसो एबा गुबै बैसोनिफ्राय 5 बोसोर उदेंसिन नुनो हानाय जादों। बिथानि प्रडाक्टजों सुबुंनि महसुखौ बिनि गुबै बैसोनिखुइ 5 बोसोर खमसिन नुनो मोनो। बिनि उनाव जामानीआव गंसे स्टार्ट-आफ कम्पानीया एडभान्स टेक्नल'जिजों सुबुंफोरखौ क्रायप्रिजा भेसिनआव फ्रिज खालामना दोन्नायनि अपार



होदों। स्टार्ट-आफ कम्पानी मेशबलनि बायदिल्ला कम्पानीनि बिगोमा टुमार'बार्थ बिथांआ थैनायनि उनाव गावनि देहाखौ रेखाथियै दोन्नायनि थाखाय 1.8 कौटि रं आरु सरकार खान्थि मेलेमखौल' फ्रिज खालामना दोन्नो हास्थायोव्ला 67.2 लाख रं दाबि खालामदों। टुमार'आ गावनि वेबसाइटआव बुंदोंदि, कम्पानीनि थांखिया मोनसे औरैबायदि मुलुग दानायनि जेराव सुबुंफोर गाव बेसेबां सम थानो हास्थायो बेखौ सायख'नो हागोन आरु बिसोरो बबाव दड; बिसोरो सोर आरु बिसोरनि रंखाथि बिजोंनिफ्राय उरांस्त्रि दड।

मेशबलआ बुं'डोदि, सा 6 सुबुंफोर आरु मा 5 न'आव फिसिनाय जुनातफोरखौ सिगांआवनो क्रायप्रिजाभेंशननि गेजेरजों दोन्नाय जाखांबाय आरु सा 650 नि बांसिन सुबुंफोर बे सिबिथाइनि थाखाय पेमेन्ट एबा रंखाथि होखाबाय। बिसोरो कातारआव नेनानै दड। क्रायप्रिजाभेंशननि गेजेरजों बिदुंखौ 0-198 डिग्रि सेलसियासनि गाहायाव खालामना कम्पानीया देहा-सोलेरखौ बायस्टिसआव सोना दोन्नाय जायो। बेयो मोनसे औरैबायदि थासांरि जेराव गासिबो बायल'जिकेल

जर्जिया आरु खोला केरलिनायाव दै बानानि लोमसावनायजों सा 6 सुबुंनि जिउ खहा

आटलान्टा, 7 आगस्ट: बारहुंखा डेबिनि जाहोनाव मंगलबारआव गोबां अखा हादोंमोन, जायजों जर्जिया आरु खोला केरलिनायाव गासिबो दै लोमसावदोंमोन। चार्ल्सटन, सबाना आरु खोला-सान्जानि जुथाइ राइज्यो आमेरिखानि गुबुन सहरफोरवबो हारिकेन डेबि दोहौजों जोबसांहोरा दै बाना फैगोननि आसा दड। डेबि बारहुंखानि जाहोनाव फ्ल रिडा आरु जर्जियाआव गासै सा 6 सुबुंफोरनि जिउ खहा जाबाय। बारहुंखाया खोला सान्जा आरु गेजेर आटलान्टिक बोसिमाफोरव माखासे समसिम थाबावनायनि आसा दड। नेसनेल हारिकेन सेन्टारनि बादिब्ला, डेबि बारहुंखानि जाहोनाव 10 निफ्राय 20 इन्च (25 से.मि. आरु 51 से.मि.) नि जाहोना हाथाव जासिमिनारि



अखा हागोननि आसा दड, जेराव मेक्सिमाम 25 इन्च (63.5 से.मि.) जागोन। शुक्रबार (9 आगस्ट) सिम खोला केरलिनानि सान्जा ओन्सोलाव आरु खोला-सान्जा साहा केरलिनानि माखासे ओन्सोलावबो गिथावना दैबाना जानो हागौ। दस्थामबो राइज्योनि गभर्नरआ इमार्लेन्सि फोसावना

होबाय। मियामिनि मिरुआ बुंदोंदि, गोबां अखा हानायनि जाहोनाव रबिबारसिम गेजेर आटलान्टिकनि माखासे ओन्सोलआव दैबाना जानो हागौ। नेसनेल वेदार सार्विसआ मिबथिहोदोंदि, जर्जियानि

सबाना आरु बेल्लस्ताआव 8 इन्चनिफ्राय बांसिन अखा हाखांबाय। बोथोर बिगियानआ मिबथिहोदोंदि, चार्ल्सटन आरु हिल्टन हेड, साउथ के रलिनायाव दासिम 10 निफ्राय 12 इन्च अखा हाबाय

आरु इयुनावबो अखाया हाबावगोन। लेटन काउन्टिआव मेकग्राडि बान्धआव बान्दो बायनायनि जाहोनाव काउन्टि शेरीफ मावख'आ थागिबिफोरखौ मंगलबारआव थाग्रा न'फोरखौ खालि खालामनो थाखाय सांघ्राथि होदों। जायगानि रिपटनि बादिब्ला, डेबिया समबार फुंआव फ्ल'रिडानि खाइइ तटनि बिग बेन्ड ओन्सोलाव श्रेणि 1 बारहुंखानि महैरै फेदों, जायजों गेजेर फ्ल'रिडानि माखासे ओन्सोलाव 8 निफ्राय 16 इन्च (20 निफ्राय 41 से.मि.) अखा हादों। बे बारहुंखानि जाहोनाव फ्ल'रिडयाव साबा सुबुंफोरनि जिउ खहा जाबाय आरु जर्जिया वाल्ड'स्टानि खाथिनि सुबुंफोर जिउ खहा जादों।

याहया सिनवारखौ हामासनि गोदान गाहाइ बिबानगिरि सायख'बाय

बेरुत, 7 आगस्ट : फिलिस्तानी उतरखारि आफाद हामासआ याहया सिनवारखौ गावसिनि गोदान दैदेनगिरिसायख'बाय होन्ना मिबथिहोयो। सिनवारआ थांनय बोसोर 7 अक्टबरआव इज्राइलआव गार्लोबनायनि मास्टार माइन्डमोन। मंगलबारखालि मोनसे फिन्नायाव हामासआ बुंदों, राजखान्थि ब्युर'नि गोदान बिबानगिरि महैरै सिनवारखौ थिसनो। बियो इस्माइल हानियानि जायगायाव बिबान आजावो। मख'जाथावदि,



थांनय बोसोरनि अक्टबरआव खोला इज्राइलआव हामासआ गार्लोबनायनि उननिफ्राय सिनवारखौ राइज्योयारि महैरै नुनो मोनाखैमोन। 1962 माइथायाव बियो मिस्रजों

खुंजानाय गाजायाव खान इडिनस रिफिउजि केम्पआव जोनोम मोन्दोंमोन। गाजानि इस्लामिक इडिनिभासिदियाव बियो गावनि सोलों थाइखौ आबुं खालामदोंमोन।

टाटा कर्भखौ लन्च खालामबाय, 12 आगस्टनिफ्राय बुकिंआ जागायगोन

गोदान दिल्ली, 7 आगस्ट: टाटा कार्भ इभिखौ लन्च खालामनाय जाबाय। टाटा कार्भ इभिनि बेसेना 17.49 लाख रं आरु 21.99 लाख रंनि गेजेराव (एक्स-शरुम) जागोन। बेवहाय मोनबा मडेलफोर क्रि येटि भ, इम्प्लवट डे, एक्सेलेटड+एस, एमपावार+ आरु एमपावार+ए थागोन। बेजों लोमोसे, 2 सेप्टेम्बरखालि पेट्रल आरु डिजेल इन्जिन आइसिइनि बेसेनखौ फोसावनाय जागोन। कार्भ आरु कार्भ इभि मोनैनिबो थाखाय बुकिंआ 12 आगस्ट 2024 निफ्राय जागायगोन। टाटा मटर्सआ दाबि खालामोदि, बेयो 500 लिटार बुट स्पेस मोनगोन। एखे समावनो, नैथि सारिनि मासिफोरखौ 60:40 नि रुजुजखायाव बुट स्पेसखौ 973 लिटारसिम बांहोगोन।



डिजाइननि बाथा बुन्ला, मोनसे गोसो बोगथाबनो हानाय बायजोआरि नुथाय दड। सिगाडाव गोरलै एलइडि हेडलाइट आरु मोनसे बलड ग्रिल मोनो, जाय बेनि गोसो बोनायखौ बांहोयो। कुप बायदि सिल्लुटआ बेखौ मोनसे स्पर्टी नुथाय होयो आरु जुनिया महैरै डिजाइन खालामजानाय एलय साखाफोरा। बेनि खावलायनायखौ बांहोयो। उनथि स्लिक एलइडि टेल लाइटफोर मोनो, जाय कारनि गुवारथि गोसारना दं। सिनि

बाथाखौ बुन्ला, मिरुआव मोनसे टाचस्क्रीन इनफ'टेनमेन्ट सिस्टेम दं। मोनसे डिजिटल इन्स्ट्रुमेन्ट क्लस्टर दं, जाय गिबि नुनायाव गासैबो गोनां फोरमायथि होयो। कारनि माल्टिफांक्शन स्टियारि व्हीला सुबिदाखौ बांहोयो। गुबुन आखुथायफोरनि मादाव दड; मोनसे पेनरामिक सानरुफ, पावार टेलगेट, गोदान साबि, मोब्लिबारि गोरोबहोना हानाय ड्राइभर सीट, वायरलेस चार्जर, मोब्लिबारि पार्कि ब्रेक आरु इन्जिन स्टार्ट-स्टप

बटन। रेखाथिनि बिथिडव, बेयो मोनद'एयारवेग, इएसपि, अट'-हलड, गासैबो डिस्क ब्रेक आरु लेबेल 2 ए.डि.ए.एस. मोनो। मानगोनां रोखोमआ 45 किल'वाट घन्टानि बेटारि पिकजों सालायजायो, जाय 502 किल'मिटर (ए.आर.ए.आइ.) नि रेन्ज होयो। बेराफारसेथि, कार्भ इ.भि.नि गोजौ रोखोमफोरा मोनसे गिदिर 55 किल'वाट घन्टा बेटारि पिक मोनो। बेहा 585 किल'मिटर नि ए.आर.ए.आइ.जों दाबि खालामजानाय रेन्ज दं। कार्भ इ.भि.आव मोनसे Acti.EV प्लेटफर्म दं आरु गोदान जोलेनि बेटारि पिकखौ आल्ट्रा-फास्ट सार्जिखौ हेफाजाव होनो थाखाय डिजाइन खालामनाय जादों। डि.सि. चार्जिआव 150 किल'मिटरखौ खालि 15 मिनिटाव दाजावदेंनो हायो।

केदारनाथ यात्रानि थाखाय हेलिकप्टर भाराखौ खमायना होदों

उत्तराखण्ड, 7 आगस्ट : केदारनाथआव दिनैनिफ्राय हेलि सार्भिसआ जागायबाय। बे समाव हेलिकप्टरनि भाराखौ खमायना होदों। थांनय सानआव उत्तरखण्डनि गिबि मन्थि पुष्कर सिंह धामिया केदार हायेनआव सौहेना खैफोदजों भुगिनांनय ओन्सोलाव एयार सार्भे खालामदोंमोन। बेनि उनाव बिथाड बिबानगिरिफोरजों नायसंनय जथउमा खालामना गोनांथार बिथोन होयो। बे समाव गिबि मन्थिया बुडोदि, 7 आगस्ट, दिनैनिफ्राय



हेलिकप्टर सिबिथाइखौ 25 जौखोन्दो खम खालामनानै केदारनाथ यात्राखौ जागायो। फारसेथि थाबायना थांनय यात्राखौबो थाबैनो जागायनायनि

सायाव नोजोर होदों। हेलिकप्टर टिकेटआव रेहाय होनाय जागोन आरु बेखौ उत्तरखण्ड राइज्यो सरकार होगोन। मख'जाथावदि, थांनय मंगलबारआव

ननप्रयागासिम थांनानै गिबि मन्थि पुष्कर सिंह धामीया यात्रा खालामग्रा लामाजों लोब्बा थांनय गासिबो बिफानफोरखौ नायसंदोंमोन आरु अखा हानानै

ख'हा जानायखौ खौरां लाहैदोंमोन। बिताडा बिफानफोरनि केदारनाथ धाम यात्राखौ फिन जागायनायनि थाखाय नाजानाय एबा हाबा मावनायफोरनि बागैबो खौरां लायो। गिबि मन्थिया फोरमायदि, गौरिकुन्ड-केदारनाथ थाबायग्रा लामायाव मोन 29 जायफोरा आवुडै सिलिंखार जादों। लोमोसेनो रुद्रप्रयाग-गौरिकुन्ड नेशनेल हाइवेआवो गोबां ख'हा जादों। ओन्सोलाव मोब्लिब, दै ज'गायथाइफोरजों लोमोसे सरकारि सम्पतिफोरा गोबां ख'हा जानादों।

